


KUTWITAVILA KUPWA VANA ⁴

 Ndumbu walunga Neville, kaha musana, chingoloshi chamwaza, pamo, kuli masepa jami vamwaza, etu tunawahilila kukinduluka hano muliuka ufukuuno. Kwazumu chindende, kaha shikaho etu natuya nakweseka kuzangula washu washu nge natuhasa, kuya kaha nakwingila mu Mujimbu.

Chatete, etu tuli nakuvilika chimwe twatela, kaha na—na kulombela chakulimanyina. Ngukwechi mikanda yenu kuze, ize vahanyine, kaha yauze ndumbu wapwevo uze ali nakwivwa nge ali nauywa muwongo wenyi. Kaha kuze kwapwile weka nawa mu Louisville; kaha mukwavo ndumbu walunga mukakuzata, ise ali kukola muchima; kaha kuli vavavulu, vavavulu vathu vakuviza muno mukaye lelo. Vavavulu vali nakusanyika kaha etu pundu tunalombela vakiko na muchima wosena, nge Kalunga mwaya nakutukafwa.

Kakavulu pamo nayite faifi peseti ya mulimo wami unapu lwola lwosena lwa chize, kulombela vakakuviza, mwamono, oloze Nguli—Nguli kaha nakupwa na—kupwa na kumona chachindende chize. . . Nguchili nakulombela vakakuviza, jino, anuka chize. Chize chili nakutwalilaho. Oloze, mamalelo kachi etu tunahase kupwa na—na liuka kuze linemana mbe, jino, kaha muchiyulo shikaho etu tunahase kuzata, munahase kumona. Mwatela kulikungulula, talenu, mbatenu vyuma vyosena hamwe.

Chumachimwe nawa chakwachile ha muchima wami, tando jajindende kunyima. Omwo uze wamundende kashinakaji walunga, wakupwa nalivoko lyenyi limwe hakamwihi nakuvatuka omwo vamwashile, lihinji hakamwihi nakufuma omwo vamwashile. Ikiye keshi hanoko na kwivwulila kuli yami hano jino. Oloze apwile vene mukweze wawangana, wa lijina lya Roy Roberson, kaha umwe wetu wakufwelela hano ha liuka, kaha umwe Mukakulishitu wakalemesa. Ikiye ejile hano vene, kaha ambile gwenyi, “Ndumbu walunga Branham, kanda kuvulyama Kolokoko yalifuchiko.” Ngwambile ngwami, “Chize changulingishile kwivwa ushona omwo ikiye ejile,” amwene ha chisaji chamivwimbimbi, “ikiye hakufuma mundeke, namasoji alinakuhingunuka kumakili eyi, kaha kanwa kenya kanahenge sali yimwe.” Munatachikiza, ikiye apwile wakwoloa kuze vene na Roy na vakwavo, muli ize—ize jita.

Chipwethuhu kachi enu namulimbalaka na ikiye mumilingu, ikiye hanga napu Kolokoko yetu walifuchi. Eyo, mwane. Kuli yami, Kangweshi—Kangweshi numba Democrat chipwe Republican. Yami ngu Mukakulishitu. Oloze Nangu—Nangumilweka, Punduvene ngwapwile nakufwila kachi—kachi

Dwight Eisenhower kupwa Kolokoko yalifuchi. Mukulwane, ikiye pundu vene napu umwe lunga wamunene, mujila yami ya—ya kushinganyeka. Kachi ikiye apwile nakulaha cheka, kaha Ngwapwile nakuvwota, kachi Ngwavwotelele ikiye cheka. Echi chakwoloka. Kangwazakamako kachi ikiye apwile—kachi ikiye apwile na myaka handulendi yakusemuka, kachi Ngulichili lika nakumuvwotela ikiye, mwomwo Ngwamuzanga ikiye. Kaha echa tumwanuke ikiye mumalombo etu ufukuuno.

J.T., Nguli vene nakusakwilila chize kuliwana chamwaza, enu vosena, enu na Ndumbu walunga Willard apwanga nacho muli uno mulungu. Kachi Ngwatambukanga nakufuma kusali ize, enu vosena ambenu ngwenu, “Chosena chakwoloka, Ndumbu walunga Branham jino, munatachikiza, *munganji mukananga*.” Oloze nachipwa kanawa kwimana kaha kuweluka nakwivwulila kuli enu, kamweshi nakumona echiko? Chosena chakwoloka. Shikaho, chamwaza.

Ngukwechi vimwe vyakuhana ku mauka, kachi enu vosena mwavitondo, kachi enu mulivakulizanga kuya kuchimbete jino, kachi enu mukwechi kulilongesa chenu. Kaha, hiya, Ngwafwelela enu kupwa, kaha enu mukwechi vyosena hamavu. Ngukwechi umwe mu Oregon, vamwe mu Washington, California, kaha Arizona, na vihela vyakuhandunuka. Kaha kachi enu munatondo kumbata liuka mokomoko kalachuma, mwomwoika, hano vene chinapu chihela chamwaza kukuputuka, haze vene. Kaha kuze kuli myono ili nakutete kwosena namu membo a Indiana na kwosena kala enu munatondo kuya. Echa kaha etu tutachikize, mwomwo Ngwafwelela nge enu vanyike vamaunga mwajikiza jino. Echi chakwoloka. Ngwavazanga kaha kuvamona vakiko kulinga ngachize.

Kuze kuli Ndumbu walunga Ruddell kuze mujila. Kuya nakupwa na kuliwana mwomwo yayami, mumakumbi amandende. Kuya nakupwa na kuhizumuka kuze kuli, Ndumbu walunga Ruddell. Kaha Ngu—Ngunanuka Ngwapwilenga nakushika chize chindende nakujingilika kwosena, kweseka kumulingisa ikiye kulovoka mukhuli na kunangula. Ikiye apwilenga wakushipwokela chikuma. Ikiye nahasa kuhanjika, “Kangweshi kaha kuhasa kuhanjikako.” Enu mwatela kumwivwa. Amena. Talenu? Enu kamwatachikijileko chuma munahase kulinga kachi enu namwecha Shipilitu Wajila kumikwata. Echi chakwoloka.

Kaha Ndumbu walunga Graham Snelling mu Utica, na Ndumbu walunga Junior Jackson kuze. Etu—etu tuli nakuvamona vosena nge mauka amandende akufuma muno, ali hamwe naetu. Etu vosena tuli hamwe. Etu katwalimbalaka ha jinangwiloko, mokomoko havitalilo na kufwila, jinangwilo jetu, jinapu imwe. Etu twamena hamwe, kupwa navyosena hamwe. Etu twapwa kaha liuka limwe. Kaha etu punduvene nge

kupwa vakulimwanga kwosena; etu tukwechi amwe mulitungu lya Africa, amwe mu India, kaha kwosena, kumafuchi kwosena. Kuze kukiko etu twatondo vakiko, kumwanga Mujimbu.

Kaha Ngwamono vakweze kwiza, nge Ndumbu walunga J.T. Parnell hano, na—na Ndumbu walunga Willard na vakwavo, omwo vakiko valinakwiza, vakweze, omwo Nguli nakukula. Kachi kuli hamene, vakiko navakapwa malunga va hamene. Kangwatondele ou Mujimbu ukahone kufwa. Kawatelako. Watela kutwalilaho lika. Kaha Kangwafwelela etu kupwa nakushimbula chikumako nakuneha Echiko.

Uze kamba wamundende uze vakiko ahanjikile ngwenyi apwile nakuya nakufwa, Ngwamwene mwapwile nenyi muliuka likumbi lyosena na lelo, ndumbu wapwevo. Echi chili chamwaza. Etu twasakwilila Mwata hali chize, nge Mwata napu walikoji, azala na keke. Twalilaho kufwelela chuma muka vakulwekele kupwa chakwoloka, talenu, nachiya nakupwa chakwoloka.

Jino, enu muli nakuwahilila hali echi kunangula? Enu mwazanga kunangula? [Chikungulwilo ngwacho, “Amena.”—Muka.] Mamalelo, Ngwa—Ngwa—Ngwashingtonyeka vene chalingile mwamwaza. Echi cheji kutuhananga kunoka chindende kufuma mukulombela vakakuviza, kaha vimweno, kaha kuka cha Ukalunga. Mukiko vene, jino, ufukuuno etu . . . Hanyima ya kutanga, etu natuya nakulombela vakakuviza chaka, ufukuuno. Etu lwola twatondo kulinga ngachize, kujimika kalamuthu hakala lwola.

Vangahi vanahase kwanuka omwo Ngwapwile na kutambuka mujitambo ja kahya kakeji? Chamwaza, Ngunatambuka hazevene kuhichila mu jitambo ja kahya kakeji, lwola lwaluvulu, atela kutambuka seti milosi halikumbi kuhita mupambo. Ngwapwile na jimilosi tu handulendi na eyite ya jitambo ja kutambuka. Ngwapwile nakuhita muze, na chikovele chami mumavoko, kaha, mamalelo, shikaho wakuzeya, kutambuka kuhita muchipapa, kaha nakuvatula mimbungo. Kuliwana vajimi vamwaka vanatwame mwishi ya mutondo nakuhanji kuli ikiye hakupwa vakujimika mu Lijina lya Mwata Yesu. Ikiye mwaya nakuhanjika, “Chamwaza, Ngunapu lwola lwosena kutondo kupwa wakujimika.”

Ngwambile ngwami, “Kacheshi hahasukuko na muze mukafweke.” Kaha ikiye mwaya nakuhanjika . . .

Kaha Ngunambatenga vavavulu kuze na kuvajimika mu Lijina lya Yesu. Kuya vene kuze mwishi yajitambo, kupwa kaha namwosena nge omu Ngunahase kuya. Echi chakwoloka. Lwola lwaluvulu muuvwalo wami wakuzachisa, kujimika umwe, vejile nakusulumuka kumutondo. Kuhaka kuzata kuze kumitondo; Ngwapwile mukakukafwa kuhaka jitambo, nawa, kuzata kutumbuka mitondo, na muthu kuhanjika na ikiye hali Mwata. Ikiye apwile nakuhanjika, “Mwomwoika, Billy,

makumbi amwe Nangukaya nakwiza kuliuka lyove mangana ukangujumike.”

² Nanguya nakuhanjika, “Mwomwoika enu munatondo kuvandamina palanga jino ha? Etu tunoloka ha kalwiji, kuze kuli meya amavulu kuze.” Kuvakwata hazevene jino. Echi chakwoloka. Luze lukiko lwola. Fwilipu ambile ngwenyi. . .

³ Uze chilolo ahanjikile kuli Fwilipu, “Meya awa, chumamuka nachituhonesa?” Echi chakwoloka. Kakweshi chumako. Kachi enu muli vakulizanga, luze lukiko lwola. Kanda kwecha liyavolo kupwa nalihanya lyakununga chumachimwe muze. Kanda kufumisa hamene vyuma vize enu munahase kulinga lelo. Hamane pamo nayikahona kwiza. Ngunanuka lwola lumwe Ngwalingele muze, kunangula, changunangwile chuma chimwe. Ngunafumisa chumachimwe chize Ngwatela kulinga likumbi limwe, kaha likumbi likwavo ngwakotokelele.

⁴ Jino, mwamuchano Kangwatondele kumitulika lwola lwosena elu. Oloze Ngwapwile kaha na—na kukulula, kaha, Ngunahono kutachikiza, Nguli kaha nakwivwa kuwaha palanga nomu Ngulisali yamilyavene, mwosena. Nguli kaha nakwivwa kuwaha.

⁵ Jino echa etu tunongamenu mitwe yetu tando yayindende shimbu kanda etu tupandamenu ku Lizu.

⁶ Ove Tata wa Mwilu, Ove u Kalunga wakuyoya, wayoya lyehi. Lize likumbi lize lyashikumukanga, likiko likumbi lyolimwe, Ndanyeale atalile halikiko omwo lyapwile nakulauka, Yelemiya atalile halikiko omu lyapwile nakulauka, Alama atalile halikiko omu lya nakulauka, Yesu atalile halikiko omu lya pwile nakulauka. Kaha lili lyolimwe kaye kaze vapwilemo nakuyoyelamo na kutambukamo, kaha Ove hanga wapwa youmwe Kalunga.

⁷ Ufukuuno muze muli kutonda chachinene. Kala muthu naufwa mu wongo wenyi, ndumbu wapwevo kwivwa woma wa chuma chochimwe. Ove unapu lutalililo kaha, Mwata, uliko kaha. Uze ufwa uneza nakupwa nge limbongola, kakweshi chumachimwe nachize nakuyimika. Yinapu jila yinafuma mamavoko a ndotolo. Oloze ufukuuno etu natuya nawo chindende hakwasa cha malakenyi, hanyima yauze mwana Mukoko, kuneha echa cheka kumulaka wa Ise. Mu Lijina lya Mwata Yesu etu kutwaminyina malombo etu kujiha ndumba, ufwa, limbongola, kuvaneha kanawa kulimba.

⁸ Kaha etu, Kalunga, eji kwanukanga ufukuuno Kolokoko wetu wakuzanga, ndumbu walunga, Dwight Eisenhower wetu. Ikiye natwaminyina lifuchi, Mwata, ikiye esekele kutulama etu kujita. Ikiye ashikile jita ya Korean nayinakukuma kachi ikiye apwile nakala jila ikiye ahashile. Ikiye ashikile vaze va mama ikiye kuneha vaze vanyike vamalunga. Oloze ikiye ambile ngwenyi, “Mwomwo yami kulinga echi, Kangweshi

kuhasa kulinga echi. Ngunahase kuhaka ngolo jami, oloze Kalunga ukawenyi atela kuchilinga.” Kaha Enu mwapwile na ikiye, Mwata, kaha jino chili jino kanawa. Mwomwoika vakiko vahonene kumona chize chatete? Kalunga, Ngwalombo nge Enu namuya nakumukafwa. Kisula uze mwono wambwende, Mwata. Kaha etu twalombo nge Enu namusakula hali etu twamina chize nachishisaho. Kutongola chove nachiya nakulinginga, Mwata.

⁹ Oloze Umwe uze etu tuli nakuhaka muchima ufukuuno, kusali ya chiyoyelo cha lifuchi lyetu, chinapu chachinene kaha chaupahu Umwe chize chilinakwiza kutunga Wangana uze kaweshi namakumishilo, Mwata Yesu, Mwa Nove. Jino vakiko navakemika mavoko, eji jitepu najiya nakwivwakana kaha kakweshi kukapwa cheka jijitako. Vakiko navaya nakutumba mivinyo na kulya mihako yavo. Vakiko navaya nakutunga jizuvo, kuvahonesa. Kaha kakweshi kukapwa ukalu chekako jino hanyima yachize.

¹⁰ Tukisule jino shimbu natupandama ku Lizu. Kaha, Tata, Ove kawatachikjileko mulonga uze Nguli nakupandama ku Lizu kufuma muli echi Chisoneka hano. Echi chili mwomwo chize Ngunevu—Ngunevu nge Enu mwangutondo kulinga echi muli eyi jila, echi chili muchima Wenu wa Ukalunga, echi chili chiyulo Chove, chili muli. . . echi chili chiyulo cha lize likumba, kwecha vathu muvihela vyavo na kupwa vakulizanga ha lwola lwa jita. Nge ndumbwetu walunga ambile ngwenyi muli echi kulombela kuli Enu keshi kunyima chikumako, “Mamalelo, Enu munatulongesa chikuma, Mwata.” Jino, Tata, tuhane vifulo. Kuhaka etu muze etu twatela kulinga, shikaho etu twatela kupwa kumilimo ya Tata. Twalombo echi mu Lijina lya Yesu, Mwa Nove. Amena.

¹¹ Kupwa na musana wamwaza uno musana, kuhanjika kuli ndotolo wapuho mu Louisville, na nasi yenyi. Vakiko vevwile ha vyuma vyaupahu vya Mwata. Kaha ise apwile ndotolo. Kaha ikiye kwiza na kutwama mu kapete chikuma na musana, kwingilamo, kuholola. Muthu wamwaza; kuhambakana chikuma chindende, munatachikiza, kupwa vene nge wakujikiza, kupwa vene ka Pulishiteliyani hakuputuka, oloze kuseza na masoji kuhulumuka kumakili eyi. Mamalelo, Nguli. . . Kalunga kupwa navo kuvakakachila kwosena, mu jiuifwishi ja mandotolo, mumanasi. Kangwafwelela nge kuli nasi mu Chipatela cha Norton Infirmary uze Ngwahonene kwambulula hakupwa na Shipilitu Wajila, kaha kumuhula ikiye kachi apwile wakujimika mu Lijina lya Yesu. Keshi ndotolo uze Nguneza kwiza nakupwa na, kwosena, mokomoko kuto- . . . Talenu?

¹² Valwekenu hali Echi. Etu tukwechi chakutamo lwola lumwe, ndumbu walunga. Chipwethu nachi soloka kukaluhwa ngachilihi hano, vandaminekaha palanga enu kuzauka hamakumishilo akuhwima na kumona, jino enu namulinakufwila kachi echi chinalingika. Eyo, mwane. Kanda

kuvandaminako palanga lwola luze, echa tuchilinge kanawa jino. Elu lunapu lwola. Mamalelo, vakiko pamo vanahase kulimbalaka, kaha kulipika na kulikoka hali echi, oloze vakiko kavachitwalile muzeko. Vakiko, mukiko vene kaveshi nakuchitwala muzeko. Vakiko—vakiko—vakiko vali vene vakwoloka. Vakiko valinakuya nakulipika na enu, kaha—kaha anuka, vakiko—vakiko kavatwalilemuzeko. Vakiko kavatwalilemuzeko. Vakiko pamo vanavanangula chumachimwe kaha vakiko vakakachilile kuli chize, shikaho enu—enu mwahase kumona chize chishinganyeka. Kanda kulipika na vakikoko, kanda kulikoka na umweko, oloze vazange kaha muze vene Chili. Jino valombelenu.

¹³ Chamwaza, Ngwashingayeka etu twatela kuya na vasi 9, Kangwejivele kanawako. Kuze hali kwakusuku na kapetulu 3, keshiko, malunga? Oloze mamalelo, Uze unapu uchi mulilolwa lyami! Etu twapwile nakuhanjika jino, anuka, shikaho etu katweshi kupwa na chikuku chachindendeko cheka. Kaha jino, Ndumbu walunga Neville, ove—ove ungukoke chindende jino kachi Nanguhona kumona lwola omu luli nakuya, shikaho Ngupwenga na kulomba vakakuviza. Etu twatondo kupwa na kalinge kakandende nge natuhasa. Kaha ufukuuno Ngwatondo kusanyika vathu kukamenga. Ngwa... Makumishilo hali echi chize Ngunahase kupwa nakutanga vyosena evi.

¹⁴ Oloze pungu ya echi, ili, kumona chihela chenu muli Kulishitu, kumona chize chili keshi chuma chimwe chize enu mwambilikitangamo, mokomoko chumachimwe chize munahase kupwa... enu mwavumbikile kumwe, oloze echi chili chuma Kalunga amilingilile, Lyene. Keshi nge enu muli vamwaza chikumako ne enu mwayile ku liuka ufuku umwe, uze ndumbu walunga wakuhutwa kukutwaminyina kukamenga. Kaha echi chapwile ngochoko. Uze apwile Kalunga, shimbu kanda kwala chikuku cha kaye, va mitongwelele ku Kuyoya cha Hayamyaka. Omwo enu mwahetele kuze lize likumbi, shikangaho fwote... twende fwo ya vakulwane vatulikile michama yavo, kalamuthu kutulika michama yavo, muthuwosena kuholoka chameso avo hamavu, vakiko kavapwile na chumachimwe vakiko vanahase, kakweshi mukakunangula, kakweshi numba mukulwane, kakweshi chumako. Kwalisa chosena kuli mwana Mukoko! Kalunga mwaya nakukungulula muli Ikiye vyuma vyosena ha likumbi lize. Mamalelo, kachi etu natutachikiza kaha kutachikiza Hiya uze Hiya vakiko vasukikile. Jino hali chize...

¹⁵ Etu twaputukile vasi ya 8, kupwa kaha nachikuku chindende.

Lize atuvulishile mu mangana osena na mukuzangama chosena;

Hakutujimbwila mangana akusweka akuya nganomu amwene kuwaha,...

16 “Awa a mangana akuswamana a mwaya Muchima Wenyi.” Kaha anuka omu etu twamanyine haze? Vangahi vapwanga hano chimene echi, echa tatalenu. Omwo twakakachilanga hali chize, “mangana Eyi aya mwaya muchima wenyi.” Jino, echi kacheshi kaha chuma chachindende, jino chinapu mangana akuswamana. Kalunga pungu ya mangana akuswamana. Kaha muthu himuthu atela kutonda muchima wa Kalunga hali echi mokomoko lyavene, anapu mangana akuswama a Kalunga.

17 Natuya ngachilihi etu nakuwana? Paulu, echi vachijivile kuli ikiye. Ikiye ambile ngwenyi ikiye kahashile kupwa nakukulisunga na muthu, kakweshi nyama na manyinga. Ikiye ayile numba kushikola yimwe, numba kukutanga chimweko. Ikiye kapwile nachuma chimwe na echiko. Oloze ikiye... Echi chapwile chasolokele kuli ikiye hali Yesu Kulishitu, Hiya aliwanyine nenyi muze muze yakuya ku Ndamashiku, mu—chize Kumunyika nge Panda ya Kakahya, kaha Echi vachivulukile kuli ikiye. Kaha ikiye ayile ku Arabia, kaha kuze atwamineko myaka yitatu. Mamalelo, kaweshi nakushinganyeka nge kwapwile lwola lumwe, Ndumbu walunga Egan? Myaka yitatu Paulu apwile ku Arabia, afwetelele pamo kazuvo kakandende kumwe, kutambuka kuze nakuze hamavu, na mikanda yakuvunga ya mwaka. Vakiko kavapwile nayimwe yayihyako; Paulu avasonekele, kakavulu. Muze vene muli ize mikanda yamwaka yakuvunga, omu uze Kalunga, hakuputka, wakutongwele kwingila mu Kuyoya cha Hayamyaka. Omu Ikiye atumine Yesu, uze kuhichila mu Mulambu etu twatela kupwa nalisesa ku Mutondo wa Kuyoya. “Wosena uze Ikiye atachikijile lyehi, Ikiye amusanjikile lyehi; vase Ikiye asanyikile, Ikiye avavulukikile lyehi kwoloka; vase Ikiye avulukilile kwoloka, Ikiye navatohwesa lyehi.” Kalunga, kufuma kukuputuka cha kaye, atutongwele kutwitavila kupwa vana. Jino tengeso yosena ili nakulyonyinga, kuvandamina kusoloka cha vana va Kalunga. Mamalelo, Nangushinganyeka Paulu apwile nalwola lwamwaza. Ngunazange kupwa na ikiye. Keshi ngochoko?

18 Jino ikiye ambile ngwenyi, “Ikiye ajimbwile mangana akusweka.” Tambula Shipilitu Wajila mulwola lwove, kaha kuputuka kulaha Nge kaha kutala kaha omu Nachiya. Musana uno Ngwapwile, mamalelo, pamo minyutu seti yakutanga, kutala kaha ha kulinangula; pamo keshi, Nanguya nakuhanjika hali chize, minyutu fifiteni mukachi kalwola. Kaha Ngukwechi kulaha, kaha Ngwashinganyeka, “Aze mangana akusweka, omu apwa mangana akusweka!” Kaha Chisoneka changuhakile cheka mu Tesitamende ya Mwaka, jino kunyima kuze mu Tesitamende Yayihya; kukasana chumachimwe hamwe, talenu mangana akuswamana a Kwiza Chenyi, aze mangana akuswamana a muchima Wenyi, aze mangana akusweka aetu akutwama hamwe. Anukenu, echi kavechi kuchinangula mukala shikola. Awa anapu mangana akusweka. Enu kamweshi

kutachikiza echi kuhichila mukutanga cha shikola, ha kutanga mbimbiliya. Awa anapu mangana akusweka anapu akusweka kufuma ku kwala chihela cha kaye, kuvandamina kusoloka cha vana va Kalunga.

¹⁹ Ngulwekenu, ndumbwami, ngulwekenu, ndumbu wapwevo, lwola muka luze vana va Kalunga omu apwile nakusoloka kusali ya lwola jino? Lwola muka mulwola lwa mujimbu yamwaka, vakiko apwile nakusoloka lwola lwakusokola mu chisemwa chosena? Chisemwa, chisemwa chivene kulyonyinga, kuvandamina lwola lwa kusoloka. Mwomwoika, shimbu kutomesa kanda chipwengako, shimbu kanda Shipilitu Wajila vamuhingunuine, shimbu kanda vyosena—vyosena Tesitamende Yamwaka, kuze, kuze kachi kavasolokeleko. Echi chatela kuvandamina palanga luno lwola. Jino vyuma vyosena vanavinehe, kwiza, kutunga lilolwa lya mumbango, kusoloka cha vana va Kalunga kwiza kunyima, kaha Shipilitu wa Kalunga kwiza muli vathu, mukukupuka, palanga milimo yavo nayiya nakupwa hakamwihi nge Kulishitu palanga naulinunga na Ikiye kaha Liuka Lyenyi hamwe.

²⁰ Vangahi vatangile mujimbu wakunyima wa kaposhi? Ngunashinganyeka pamo umwe pwevo wakalemesa hano azundwile livoko lyenyi. Chosena chakwoloka.

²¹ Kalunga kusoneka Jimbimbiliya jitatu. Yimwe hali eji japwile Zodiac ize ya mwilu, yapwile Mbimbiliya yatete. Muthu atalilenga kwilu kutachikiza Kalunga wakufuma kwilu. Kukavangiza ize Zodiac, kutala mwatangaho lyehi? Ize yeji kusolola kala chisemunuino, na chisemunuino cha kansa. Yeji kuhana kuputuka, aze- . . .kusemuka cha Kulishitu. Chifwanyisa chatete muka chapwile muze mu Zodiac? Uze sanda. Chifwanyisa chamakumishilo chika? Leo uze ndumba. Chize Kwiza chatete na Kwiza chamuchivali cha Kulishitu, vyosena vavisoneka muze.

²² Jino Mbimbiliya yashishileho vasonekele, yapwile ha lilolwa, vavulukile “kaposhi.” Kalunga kusoneka mukaposhi. Kachi enu namujitanga, tala mijimbu yakushikuluna jijita, omu vakiko vatungile shimbu kanda kwenyeka cha livaji.

²³ Ize yamuchitatu yapwile yakusoneka halipapilo, Mbimbiliya, hali wamunene, kaye kautongwe kali nakwiza. Jino, nge Kalunga natambuka nakuhita muchisemunuino, etu tuli ha Leo na ndumba. Etu tuli ha lwola kuhaka chifwiko ku kaposhi. Etu tuli mu Mukanda wa Kusoloka, kusongo ya kapetulu. Sayasi ngwayo etu tuli na minyutu yitatu shimbu kanda mukachi kaufuku. Mamalelo, shinganyeka oho etu tuli.

²⁴ Kaha talisenu, echa tumbate kaposhi, chili chachashi. Echi chili nakwenyeka muyachi nge ngachize mu mbango.

²⁵ Omwo etu twapwile hano kukuputuka ha chisemiunuino chakulivanga cha liuka, hanyima ya Kutungulula mu

Iwola Iwa Luther, kupwa muthu kuhanjika ikiye apwile Mukakulishitu, chipwe kulumbununa chiyoyelo mokomoko kufwa. Vakiko kumujiha ikiye numba kuhanjika ikiye apwile Mukakulishitu. Shikangaho kuya nakuhita kumuyanjiwisa... Kala chisemunuino, kuhita kala lwola, kunapunga kujiwisa. “Vosena vaze navayoya mwaukalunga muli Kulishitu Yesu navakaya nakuyanda.” Mu chisemunuino cha Luther, echi chapwile chachikalu kuhanjika “nge Lutaleni.” Enu vamivulukilenga nge vakuzaluka, kaha kumijiha na kufwa. Lwola lwaluvulu vakiko vavajihile chikuma, kuvocha, kaha vyuma vyosena nawa, va Luteleni.

²⁶ Jino liuka yakehele, nge like kaposhi. Yejile mutambo yikwao ya likoji, chize chapwile kujilikiwa. Wesley lwola lwenyi, omwo ikiye vakatukilile liuka lya Anglican, kunangula kujilikiwa. Echi chejile chachindende cheka, jino vakiko vavavulukile kupwa lizavu lya vakakuzaluka.

²⁷ Vangahi muno uze apwile Mesondisiti, mokomoko vatela kupwa, mokomoko vapwile vakununga na liuka lya Mesondisiti? Chimbwa cha enu. Enu mwatachikiza liuka lya Mesondisiti vahetele ha Shipilitu Wajila lwola lumwe? Ngwayile ku mauka a Mesondisiti kaha kuvatala vakiko kuholoka hamavu, kaha kumwanga meya kumeso avo na kuvafukumwina na kufukumwina, kupwa na Shipilitu Wajila kufuma kukwiza hali vakiko. Echi chakwoloka. Jino, ou unapu muchano, kushikumuka mujipili ja Kentucky kuze etu twapwile na Mesondisiti. Enu vakweze munapu vakakulinunga na liuka hano. Etu twapwilenga na ji Mesondisiti kunyima kuze, kaha ji Mbaputishiti. Etu twatwamine kukamenga kaha kuliveta umwe na mukwavo munyima palanga etu kupwa na chumachimwe. Etu twejile nakuhita, etu kuyoya mwakuhandunuka hanyima yachize.

²⁸ Oloze enu namwiza kaha nakuhaka lijina lyove ha mukanda nakuhanjika, “Ngunapu ka Mesondisiti.” Kaha kumbata lunyungo lwa mungwa na kumwangila chindende ha meya hali enu, kaha muze mukiko kaha. Lovokenu na kuvwala jiputula, kulyalumuna, kuhemesa vimbulu, usese, kusekasana chawiji, kwasa na vyuma vyosena, hanga kupwa ka Mesondisiti wamwaza, talenu. Chize kacheshi Mesondisitiko. Lize lyapwile kaha vakakulinunga na liuka. Echi chakwoloka. Mbaputishiti, mujila yoyimwe, Pulishiteliyani, kushikumuka mujila yoyimwe.

²⁹ Nge Ndavichi duPlessis ambile ngwenyi, “Vazukulu, Kalunga kanda lyehi apwenga na vazukulu.” Kalunga kanda lyenyi apwenga na muzukulu. Ikiye akwechi kaha vana, oloze keshi vazukuluko. Echi chakwoloka. Enu...na vathu nge kwiza nakwingila muliuka lya Mesondisiti, mokomoko liuka, mokomoko liuka lya Pendekosita, mokomoko liuka lya Mbaputishiti, mwomwo mama yove mokomoko tata apwile ka Pendekosita mokomoko Mbaputishiti, jino ove unapu

muzukulu wenyi. Vakiko vapwile vana va malunga. Ove unapu muzukulu, talenu. Shikaho Kalunga katwama nakala chumako nge ngachize. Eli liuka linajimbalisa chize, oloze keshi—oloze keshi—keshi—keshi. . . Kalunga keshi ngochoko.

³⁰ Jino, tachikizenu evi, hakushikumuka palanga nakwiza nakuno jino, nge omu chili nakwiza nakuundende, wa liuka. Chize chisemunuino cha Pendekosita kwiza nakwingilamo. Chize chinapu chinavatula makunakuna amavulu. Jino chumamuka chalingikile? Chasele kaha Mesondisiti na Lutaleni kunyima.

³¹ Jino Shipilitu Wajila atambukile hazevene nakufuma mu chisemunuino cha Pendekosita. Chumamuka vakiko valingile? Vakiko valinwasanyine, vavalingishile vavene, “Etu tunapu va Assemblies of God.” “Etu tunapu wa Waninesi.” “Etu tuva Twoness.” “Etu tunapu Church of God.” “Etu tunapu *echi*, mokomoko *chize*. Enu kamwapandama, enu kamweshi kaya Mwiluko kuvangila mukwechi lijina lyove mumukanda.” Mamalelo, chuma chakuhona mangana! Kangwalizakaminako kachi enu va Mbaputishiti, Mesondisiti, Pulishiteliyani, enu haka lijina lyevo mu Mukanda wa Kuyoya omwo Kalunga alihakamo muze. Kachi enu vamitongwele ku Kuyoya cha Kuyoya, Kalunga mwaya nakumisanyika mujila yoyimwe, mwosena omow, vamwe—vamwe mujila mokomoko yikwavo. Ikiye pundu nachiya nakupwa. “Vosena Tata nanguhane Yami navaya nakwiza kuli Yami.” Chipwethuhu liuka muka ove wapandamako, chize kacheshi na chuma chakulingako. Oloze chikungulwilo kaveshi kuhasa kulinga chuma chimwe kuli enuko, oloze chinahase kuhonesa chachivulu kufuma mukuya hamwe na Kalunga, oloze nachiya nakupwa—nachiya nakupwa nakulinga keshi chuma chimweko. Kukunguluka hamwe na lizavu lya vakakufwelela na vakakuzeneka kufwelela. Mukiko kaha, enu namuveta kwosena okwo enu namuya, kahavakiko vapwile nachize Mwilu. Shikaho, chili chakwoloka, oloze enu muli nakutala ku chikungulwilo chenu. Tala kuli Yesu, Ikiye Umwe twatela kutalisako.

³² Jino nge omu etu tuli nakwiza hano vene. . . vakiko vapwile na. . . Vangahi. . . Ngwafwelela ou pwevo hano azundulanga livoko lyenyi, nge ove watangile ha kaposhi. Munatachikiza, kaposhi kahapwile litepako, chapwile? Kanda lyehi vahakeho lilolwa lyamumbango. Vakiko kanda, chipwe kuwana echi. Vakiko kavatachikizako chuma muka chasolokele. Mwomwoika? Mwomwoika vahonenenga kuhakaho lilolwa lyamumbango, lilolwa lya mumutwe, lyahelu chikuma? Mwomwo Ikiye apwile wakukana omwo Ikiye ejile. Ikiye apwile Lilolwa vakanyine. Echi chakwoloka. Oloze navaya nakuhakaho lize litepa. Echi chakwoloka. Kaha jino aze malolwa anatela nakujinguluka lize Lilolwa lya mumutwe, atela kupwa malolwa aze nawaya nakupwa vene nge lize Lilolwa, lize

naliya nakutelamo, kulinunga na kwosena—kwosena. Uze kaposhi napu wakukupuka enu kamweshi kuhasa kuchina numba leza mukachi kayoko, kuze akiko malolwa ali hamwe. Kuwaha chamuyachi ngana chauhashi. Amwe avo anahase kulema handulendi tanis mwilu muze mupeho, kaha atwama mukukupuka hamwe.

³³ Ize ikiko jila Kalunga eji kunehanga Liuka Lyenyi. Etu twapwa vakunungila hamwe, muchima umwe kaha kujina chimwe. Jino muthuumwe kuhanjika ngwenyi, “Chamwaza, va Lutaleni kunyima kavapwilenga nachuma chimweko.” Kamwafwelela echiko. Va Lutelani navakeza navyangocho mu kusanguka mwomumwe nge vosenana omu navakeza mukusanguka. Mbaputishiti, Pulishiteliyani, kaha vana va Kalunga vosenana, navakaya nakwiza mukusanguka. Kaha ou ukiko mulonga lelo vathu veji kuhanjikanga, “Mamalelo, chamwaza, kuze nakukapwa kuhizumuka chakulila chize nachikya nakupwako kuze kaha kulwila handulendi miliyoni yama Pendekosita. Vakiko vosenana navakaya nakuvalwila mu Kuhukula.” Ove navakakuluukila. Chize Kuhukula nachikaya nakupwa handuleni ya masauzande, echi chakwoloka, oloze vakiko navakaya nakupwa vakungiwa mu myaka sikisi sauzande ya ulwilo nawa, myaka sikisi sauzande kunyima okwo. Muthu eji kutambuka mu Kumunyika nge Kumunyika nachiza kuli ikiye, ikiye kuzauka vyau omwo ikiye mweza kuli vakiko. Jino, kachi ikiye mwakana Echi, jino ikiye mwasala mumilima. Oloze kachi ikiye mwatwalilaho kuya!

³⁴ Jino, talisenu, jino Kwiza cha Mwata Yesu chili hakamwihi chikuma palanga Shipilitu kufuma mujila muno...kupwa kaha kuvululika kwoloka, kujilika, kujimika cha Shipilitu Wajila, kaha jino hanovene halwola lwa kwiza cha Lilolwa lya mumutwe. Lize Liuka lyatela kupwa mwakukupuka nge Kulishitu palanga Kulishitu kaha Liuka vanahase kununga hamwe, Shipilitu youmwe. Kaha kachi Shipilitu ya Kulishitu ali muli enu, Echi chili nakulingisa enu kuyoya cha kuyoya cha Kulishitu, kulinga nge kuyoya cha Kulishitu, kulinga vilinga vya Kulishitu. “Wosena uze mwafwelela hali Yami, mulimo eyi Ngulinakulinga naikye mwakaya nakuyilinga nawa.” Yesu ambile ngachize. Talenu? Jino etu tulinakuya nakupwa, etu tukwechi mulimo kwiza nge mukiko nge chiyoyelo cha Kulishitu. Mulimo weji kusololanga chumamuka? Chize Kwiza cha Mwata.

³⁵ Tala hali echi mukaye lelo, kaha tala chuma Khrushchev kuhanjika, vyosena vyuma vikwavo, kaha chachinene chimbalanganyi chakaye kwosena chilihakamwihi, hakala lwola, kuya kupemba kala sekondi. Echi chakwoloka. Kaha kachi chize, etu tunatachikiza nge chize chilihakamwihi. Kala muthu wamangana nahase kutanga mulipapilo amijimbu mokomoko kwivwulila ku chisaji, kaha kutachikiza nge chize chili hakamwihi. Chwamwaza, anuka, Kulishitu kwiza ha Liuka

Lyenyi shimbu kanda chize chisoloke. Shikaho ali kamwihi ku Kwiza cha Mwata Yesu? Pamo shimbu kanda kuliwana chamakumishilo ufukuuno. Etu tuli kulwola lwamakumishilo. Punduvene.

³⁶ Tala liuka nge omu chili, shimbu nachitambuka. Kupwa kaha echi kupwa muvishinganyeka vyove, enu vakakutanga vyakushikulu mweji kutanganga vyakunyima. Tala ha Lutaleni liuka mwishi ya kuvulukila kwoloka, kwiza mwambwende kufuma mu Katolika, tala hali echi kutambuka. Jino tala ha kwiza cha Wesley chindende hakamwihi, mukuvulukila kwoloka, kuhita nakutala mu Visoneka. Tala hazevene mukachi, Wesley. Jino chuma chinahase kwiza nakwingila apwile mu chisemunuino cha Pendekosita. Kaha chisemunuino cha Pendekosita na vakakutungulula cha mawana, mawana akushipilitu. Jino, tala ha chisemunuino jino hazevene ha Lilolwa lya mumutwe. Talenu omu Ngunatwale? Chize Kwiza cha Mwata, vachijivilile. Kalunga na tengeso yosena ali nakuvandamina ha liuka muchihela kuwana chihela chacho.

³⁷ Ukalu lelo, Ngwa...kupwa hakamwihi navosena Ngwaliwanyinenga navo. Ngwapwile wakufumisaka, etu tuli nakumbata...Ngulina kupwa na kutalatala mumujimba, munatachikiza, kachi etu tuli nakuya kusali yatulungalwiji, enu vamishonali na vyangocho kutachikiza chize. Omwo Ngwapwile nakupwa nakukekesa vakiko vangunehele kufuma muze mukapete, Ngunapunga nakunwa nauze wamwaka... kusoloka kuli yami nge chindanda, mokomoko kulya, mokomoko chumachimwe, kaha Nguna—Ngunapunga nakunwa. Kaha kulovoka kufuma muze, kutwama hamavu, kuvandamina ha chimbwa cha ola kaha kutala chipwe chiyenga nakulovoka mulijimo mokomoko keshi ngachoko. Ngwatalile kusali kuze, kaha kuze kwapwilenga mapwevo vamwe vavandende, kusoloka nge ikiye apwile hakamwihi nakufwa. Ikiye apwile ngocho...mahinji amandende kaha mavoko amandende. Kaha Ngwatwalilengaho kuya kufuma kuli uze muthu uze muthu, ou muthna kuli muthu mukwavo, kupwa hakamwihi na ikiye, palanga Nanguya nakushikumuka kuze ikiye apwile. Ikiye atalile nge wakuhutwa chuma chapwileha kufwa. Kaha Ngwatakukile nakupandama kuli ikiye, Ngwambile ngwami, “Ngukonekelenu, ndona.”

Ikiye ambile ngwenyi, “Shangwenu mwane?” Mamalelo, ikiye apwile wakuviza chikuma!

Kaha Ngwambile ngwami, “Chuma muka chakuhenga?”

³⁸ Ikiye ambile ngwenyi, “Ngwayile ku Tucson na kutambula mwana wapwevo. Ngwavijile, vakiko kavahashile kuwana kuhenga.”

³⁹ Ngwambile ngwami, “Chuma chimwe Ngwatondele kumihula enu.” Ngwambile ngwami, “Ngwapwa

mukakunangula Mujimbu mwaza. Ove unapu Mukakulishitu? Ove walizange lyehi kuya kachi luze lwola nalukeza?”

Kaha ikiye ambile ngwenyi, “Ngwapandama ku liuka lya *munganji mukananga*.”

40 Ngwambile ngwami, “Chize kachapwileko chihula Ngwakuhulanga. Ove Umukakulishitu wakuzala na Shipilitu wa Kalunga kaha wakulizanga kuya kuze omwo Ikiye akusanyikile?” Uze pwevo katachikijile chuma muka Ngwapwile nakuhanjika hali echi. Talenu? Mamalelo, chuma nakumona chakeke mukaye!

41 Jino, “chakulingisa kutachikiza kuli etu mangana akuswamana a pungu ya muchima Wenyi,” kwiza...Echa kukutanga chumachimwe. Ngwapwile nakutanga haze...Echa tufukununu jino ku “mangana akuswamana a muchima Wenyi.” Echa tufukununu ku Hepelewu hano mumunyutu kaha, kapetulu 7 wa Hepelewu, Ngwafwelela echi. Kaha Ngunasake kutanga enu chumachimwe chize enu munahase kwivwa kanawa omwo etu natushinganyeka hali etu kutwama hamwe muvihela vya Mwilu. Hepelewu, kapetulu 7.

Mwomwo ou Mekizeteke, (Jino Tala.) mwangana wa Salema, kapilishitu Kalunga ou alitulaho, . . .

42 Mangana akuswamana jino? Hano mangana akuswamana, tala echi. Hiya ou Mukweze, “kulilingisa, kutachikiza, mangana akuswamana apunga Yenyi,” ou Mekizeteke? Nguli nakuvandamina kalamuthu wosena hano, Jimbimbiliya hanga ili nakufukunuka. Hepelewu, kapetulu 7, Paulu kuhanjika, lunga youmwe mu Ngalesha.

Mwomwo Mekizeteke, mwangana wa Salema, kapilishitu ka Kalunga ou alitulaho, . . . uze amuseseleko Apalahama omu akindulukile kuze ayile nakuwajihva vaze va myangana, kaha amukiswile;

Uze vahanyine Apalahama nawa vihanda vyakusokesa mumakumi vyakuvyuma vyosena; ha kwalumuna, ha kwalumuna kupwa Mwangana wakwoloka, . . . hanyima ya chize. . . Mwangna wa Salema, (Uze napu Mukweze?) uze ali, Mwangana wa kuunda;

Keshi naiseko, chakuzeneka naye, chakuzeneka chisemunuino, kupwa chipwe na maputukilo a makumbi, mokomoko makumishilo a kuyoya; . . .

43 Hiya uze Lunga? Hiya apwile Ikiye? Ikiye kanda apwenga na ise, Ikiye kanda apwenga na naye, Ikiye kanda lyehi apwenga omu Ikiye aputukile, mokomoko kanda lyehi apwenga nalwola Ikiye mwaya nakufwa. Ikiye aliwanyine na Apalahama kufuma kukujiha cha va myangana. Chumamuka ikiye apwile nakulinga? Ikiye ayile nakulovoka nakuya nakutambula Lote,

ndumbwenyi, kuneha ikiye cheka. Kaha ikiye ajihile va myangana; vase, vakiko vamyangana ajihile; Ngwafwelele teni mokomoko fifiteni va myangana, kaha na mawangana avo. Oloze Apalahama apakachishile vangamba jenyi kaha kuya, kuhandunu kaha haufuku, talenu, omwo ikiye amukwachile muli luze lwola lwaufuku. Mamalelo, ndumbu, etu kuzata mu milima jino, Kumunyika kaha etu tuli nawo chinapu Kumunyika cha Mujimbu wamwaza. Oloze ikiye alihandunuine, kaha amukwachile nakumoneha cheka. Kaha mujila yakuya cheka kunyima, hanyima ya jita kuze!

⁴⁴ Echa tuyenu ku kuputuka 14, mumunyutu kaha, kupwa namujimbu hatomato. Echa tuyenu kuze mu Kuputuka, ha fwo-...Ngwafwelela echi chili ha 14, Kuputuka 14. Eyo, echa tumbatenu Kuputuka 14:18, kuputuka. Echa tuputukenu chindende hali chize. Echa tuputukenu, yaa, vasi 18, Kuputuka 14:18, “Kaha Meuchizandeki...” Jino, uze Apalahama kukinduluka jino kufuma kukujiha cha va myangana. Kukinduluka, mujila yakukinduluka, kuneha cheka Lote, vathu vosena vase vakiko vambachile. Vosena!

⁴⁵ Nge Ndavichi, uze ayile na kupwa na...Chuma muka Ndavichi alingile? Kumbata malekenyi amandende, alovekele nakuya kaha kuhukula mwana mukoko kumufumisa mukanwa ka ndumba. Kushinganyeka malekenyi, kuya hanyima ya mwana mukoko. Hiya muno mukaye nahase kulinga ngachize? Ngulwekenu muthu muka muno nahase kulinga echi, zundula livoko lyove. Nanguya nakukulweka washi nge ove unahenge. Ove kawamwene yami kuhaka lyami heluko. Nduma, Kangweshi kuya hanyima ya ikikeko na seti mokomoko sikisi, chachikalu. Oloze ikiye amukatukile ikiye na malekenyi, na kachihanda ka chilambu nge ngana, na tujingoji tuvali hatukiko, kutujingila hamwe. Mwomwo...Kaha omwo lwejile lwola lwa Ngolyate mangana alitukujole, ikiye ayile amukatukilile Ngolyate, kaha ikiye ambile ngwenyi, “Uze Kalunga wa Mwilu anguhanyine yami kusokola uze mwana mukoko kumufumisa mukanwa ka ndumba, kumufumisa mukanwa ka mulusu.” Ikiye atachikijile kawapwile aze malekenyiko. Japwile ngolo ja Kalunga jize jayile na ikiye. Ikiye apwile Umwe uze anehela uze mwana mukoko cheka.

⁴⁶ Kaha chize chikiko etu tweji kuhanjikanga lelo. Kalunga apwile na Ndavichi hakamwihi nenyi, eyo mwane, uze ali nakulisa mukoko wa Ise. Kaha shimbu ufwa uli nakwiza, mokomoko kansa nayikeza, mokomokochumachimwe, kaha kutumbuka helu kufuma mumavoko a ndotolo. Chize kacheshi kuhasa kwimika Ndavichi, ikiye mwaya hazevene kuya kuze kukatukila uze mukweze, na malekenyi amandende, a, “Hula kalachuma mu Lijina lyami, navakaya nakukulingilacho.” Kangwalizakaminako, mandotolo vanahase kuseha, kaha kalamuthu nawa nahase kusekeleka ikiye, ikiye mwaya

nakukatukila ikiye mwosena omwo, kuneha uze mukoko cheka hautanga. Eyo, mwane. “Ikiye napu mwana Kalunga, fumisa livoko lyove hali ikiye!” Amumbile uze ndumba hamavu, jino uze ndumba kukatuka helu, amukwachilile kuwevwu kaha amujihile; apwile kamukweze kakandende walunga, pamo kulema na eyite mokomoko nayite paundi.

47 Tala. Meuchizandeke, uze Mwangana wa Salema uze apwile Mwangana wa Kuunda, uze vene apwile Salema yinasavala kusali ya pili. Uze apwile Mwangana wa Yelusalema, Hiya apwile. Uze apwile Hiya apwile, Mwangana wa Yelusalema. Ize, Yelusalema yapwile chatete vayivulukilenga kupwa Salema, kulumbununa kuunda; ize yapwilenga Yelusalema chatete, shimbu kanda vayivuluke kupwa Yelusalema. Ikiye apwilenga Mwangana wa Yelusalema. Ikiye apwilenga Mwangana wa kwoloka, Mwangana wa kuunda, Mwangana wa Salema. Ikiye apwile na ise, Ikiye apwilenga na naye, Ikiye kapwile na maputukileko amakumbi, Ikiye kapwile namakumishiloko a kuyoya, Ikiye kapwile na chisemunuinoko. Mamalelo, mamalelo, mamalelo! Hiya ou Mukweze? Tala hali Ikiye. Hanyima ya kukumisa jita, hanyima ya kufungulula, tala chumamuka Ikiye ahanjikile. “Kaha Meuchizandeke,” vasi 18, na kapetula 14, Kuputuka.

Kaha Mekizeteke mwangana wa Salema alowele mbolo na vinyo: ikiye apwile kapilishitu ka Kalunga wakulitulaho.

Kaha amukiswile ikiye, kaha ambile ngwenyi, Vamukiswile Apalama kuli Kalunga wakulitulaho, mweya lilu na mavu:

Kaha vamukisule Kalunga wakulitulaho, ou nahane vakakole jove mumavoko ove. Kaha ikiye amuhanyine vyakusokesa mumakumi vyakuvyuma vyosena.

48 Echa tutangenu kulutwe chindende.

Kaha mwangana wa Satome ahanjikile kuli Apalahama, Nguhane vathu, ove utambule vikumba.

Kaha Apalahama ambile kuli mwangana wa Satome ngwenyi, Nguna zundula livoko lyami kulivoko lya YEHOVA, Kalunga wakulitulaho, mweya lilu na mavu, (Ivwulilenu omu ikiye asonekele chize, ikiye, omu ikiye amuhanyine!)

Kangweshi Nguyenga nakutambula chipwe wanda chipwe kachikapwa kalindelo, chipwe Nachuma chove chimwe pimbi, chipwe chuma chimwe chove. . . kuchina naukamba ngwove, kaha ami uze yami, kuchina, naukamba ngwove, Ami yami ngunamuhetesa ikiye:

Shina kaha vvize vakweze vanali, . . .

49 Tachikizenu ou Mekizeteke ahazevene Ikiye aliwanyina na Apalahama ali nakwiza kufuma kukujiha va myangana. Awa mangana akuswamana a Kalunga jino kupwa akutachiza! Hiya apwile Ikiye? Kakweshi mthuumwe. . . Vakiko vawanyine kala mujimbu wa Ikiye, mwomwo Ikiye kapwile naiseko, Ikiye kapwile na nayeko, Ikiye kapwile na lwolako Ikiye aputukile, Ikiye kanda lyehi apwenga na lwola Ikiye mwaya nakufwa, shikaho Hiya Ikiye apwile hanga. Ikiye kanda lyehi apwenga nakuputuka, shikaho Ikiye kavahashile kupwa mthuu umwe oloze El, Elah, Elohim; kuliyoylela, kulitwamina, Kalunga Waundume!

50 Yesu apwile na Ise, Yesu apwile nanaye; Yesu apwile namaputukilo amakumbi, Yesu apwile namakumishilo a kuyoya. Oloze ou Lunga kapwileko numba na ise mokomoko naye, amena, numba ise mokomoko naye. Yesu apwile navosena vavali Ise na naye. Ou Lunga kapwileko numba na ise mokomoko naye. Amena. Kaha chumamuka Ikiye alingile, hanyima ya kukuma cha ize jita, hanyima ya Apalahama natambula lyehi chihela chenyi?

51 Hanyima ya Liuka linatambula lyehi Chihela chacho, etu vatuvuluka kupwa vana va kwitavila, kuli Shipilitu Wajila. Kaha kachi kala mthuu mwapwa muchihela chenyi, chuma Kalunga namusanyika lyehi ikiye kulinga, kaha kwimana kumakumishilo a jila, kuya nakukatukila vakakujimbala.

52 Chatete, Paulu mwakafumisa viveza yosena, shikaho jino, “Kachi ove navakusanyika, kachi ove uli kaha wakutona muvishinganyeka mwomwo ya muyachi umwe wakutanga, kachi ove uli wakusemuka mu Shipilitu, jino Kalunga akutongwelel ove shimbu kanda kwala chikuku cha kaye, kuhaka lijina lyove ha Mukanda wa mwana Mukoko wa Kuyoya, kaha jino etu kwiza hamwe nakutwama muvihela vya Mwilu muli Kulishitu Yesu. Kupwa watu vakujila, lifuchi lyakujila, vathu vakulipwila, muyachi wa tupilishitu, kuhana milambu ya mushipilitu kuli Kalunga, ize ili, mihako ya mivumbo kuhana kwalisa ku Lijina Lyenyi.”

53 Vathu kwiza nakuhanjika, “Ava vathu vanapu vakuzaluka.” Punduvene mukiko vali; mangana a Kalunga napu uleya kuli mthuu, kaha mangana a mthuu anapu uleya kuli Kalunga. Vakiko valimbalaka, umwe namukwavo.

54 Oloze lize vene liuka lya kuzala na Shipilitu, lyakuzala na ngolo ja Kalunga, kutwama hamwe muvihela vya Mwilu, kuhana milambu ya kushipilitu, kwalisa Kalunga, eyi Shipilitu Wajila kutambuka muli vakiko, kutumbununa shili na kusanyika vyuma vize vili mukachi kavize vyakuhenga, kusungamisa na kulinga echi kuchisalamisa nakucholola. Mwomwoika? Lwola lwosena Kumeso a Kalunga kuli uze Mulambu wa manyinga.

55 Jino anuka, etu twayile nakuhita muli echi chimene chino. Enu kavamilwilileko na Manyinga, enu *vamilama* vakulwila na Manyinga. Oloze enu vamilwila na likoji, kuhichila mulufwelelo, kufwelela Echi. Kalunga angongomwezele mumuchima wove mwomwo Ikiye akutongwele ove. Ove watalile heu kaha kufwelela chize, nakuchitavila. Jino Manyinga anatomesa jishili jenu. Anuka, Ngwambile ngwami, “Kalunga keshi kupaisa mukashiliko ha shili.” Ikiye napu mukashili kukuputuka. Ikiye eji kupaisanga Mukakulishitu ha kushili. Kaha jino mwomwo Ikiye namupaisa, Kulishitu kumbata echi kupaishiwa chetu. Shikaho kakweshi kupaishiwa kuli vase vali muli Kulishitu Yesu, vase vakakutambuka keshi mwaya mujimba, oloze mwaya Shipilitu. Kaha kachi enu namulina chumachimwe chakuhenga, keshi chakulisakwilako. Enu kamwavulumuna chakulisakwilako. Muthu uze mwavulumuna chakulisakwila, mwaya nakulovoka na kuvulumuna chakulisakwila, keshi keza nakwingila muli uze Mujimbako. Oloze muthu kachi nengilamo, ikiye napu wakufwa, kha kuyoya chenye vanachisweke muli Kalunga, kuhichila muli Kulishitu, wakujika na Shipilitu Wajila, kaha liyavolo keshi kuhasa numba kumuwanako, ikiye ali kwakusuku. Ikiye kuvangila mwalovoka numba liyavolo amuwana. “Mwomwo enu munafu!”

56 Mulweke muthu wakufwa nge napu mukamakuli kaha utale omu nachisoloka. Muvete kusali yikwavo kaha hanjika, “Ove mukamakuli, ove,” ikiye keshi kuhanjika numba lizuko. Kaha chize chakwoloka, ikiye mwapwa hanga nazavalila haze.

57 Kaha muthu uze nafu muli Kulishitu, ove umusanyike kupwa mukamakuli, muvulukile kaha kala chuma ove unatondo, ikiye keshi kuhindukako. Kachi kalachuma, ikiye mwaya nakuseunuka kumwe kaha kukulombelako ove. Echi chakwoloka. Oloze, mamalelo, vamwe vali vakakuyoya. Mukiko Ngwashinganyeka hali echi, etu twatela kufunda vathu vakufwa. Vosena vanafu muli Kulishitu, etu tweji kuvafunda mumeya. Lwola lumwe etu tweji kufunda vathu vavavulu vali vatatonyi, na makuli amavulu na jindiombo, kaha vali chikuma mumauka. Oloze etu katweshi kuhandununa chize, oloze Kalunga ejikulinga ngachize. Ikiye atachikiza vathu Jenyi. Ikiye atachikiza mikoko Jenyi. Ikiye atachikiza kala lizu. Ikiye atachikiza vana Venyi. Ikiye atachikiza Hiya mwaya nakusnyika, Ikiye atachikiza hiya Ikiye atongwele. Ikiye atachikiza Hiya mwaha vyuma evi kulihya, chuma muka Ikiye alinakulinga Lyavene atachikiza mwosena. Omwo Ikiye . . . Kalunga nahase kuhaka lufwelelo muli vana Venyi, ha chuma muka mwaya nakulinga, kutachikiza nge vakiko navaya nakuchilinga mwamuze vene.

58 Enu mwafwelela Kalunga eji kulinga vyuma kana? Mwomwoika, Satana ahanjikile kuli—kuli Yopa likumbi

limwe. . . ahanjikile kuli Kalunga likumbi limwe, “Yaah, Ove ukwechi ngamba.”

⁵⁹ Kalunga ambile ngwenyi, “Kakweshi numba umwe hamavu nge ikiyeko. Ikiye napu lunga wakukupuka.” Apwile nalufwelelo muli ikiye.

⁶⁰ Satana ambile ngwenyi, “Mamalelo, eyo, ikiye akwechi vyumavyosena vyavyashi. Echa ngumuseze chindende shimbu kaha Nanguya nakumulingisa ikiye kukushinga Ove kumeso Ove.”

⁶¹ Ikiye aambile ngwenyi, “Ikiye alikumavoko ove, oloze kanda kumbata chiyoyelo chenyiko.” Talenu? Kaha ikiye nalingi vyumavyosena oloze mbata chiyoyelo chenyi.

⁶² Oloze, mamalelo, Yopa, kachi a. . . chumamuka ikiye alingile? Kutala ikiye ashingile Kalunga omwo Kalunga ambachile vanavenyi, omwo ikiye alingile vyuma vyosena vyavipi kuli ikiye, kaha vyum vyosena? Yopa kahulileko. Ikiye alimbilile chameso hamavu na kulifukula. Haleluya! Ambile ngwenyi, “Ou Mwata ahanyine kaha Mwata natambula, kukisula ku Lijina Iya Mwata!” Enu haze.

⁶³ Kalunga atachikijile lufwelelo Lwenyi muli Yopa. Kalunga atachikijile omwo Ikiye amifwelela chikuma. Ikiye atachikiza omwo Ikiye nahase kungufwelela yami. Oloze chuma etu tulinakuhanjikaho jino chili kuswanyisa ou mwana.

⁶⁴ Jino, omwo eyi Mbimbiliya. . . Omwo jita yakumine, omwo vyuma vyosena vyakumine, jino chuma muka chashishileho etu kulinga? Chuma muka etu twatela kulinga hanyima yakukuma cha jita? Munatachikiza omwo etu tweji kulinganga? Etu twatela kuliwana na Mekizeteke. Echa tufukununenu Mateu 16:16, washiwashi, talenu kachi echi chakwoloka mokomoko numba. Mukakujila Matewu, kapetulu 16 na vasi 16. Nguli vene wakukunyuka nge nguli wakwoloka, Matewu 16:16. Matewu siki- . . . Nduma, eyi ili yakuhenga, kayeshi kupwa hakamwihi chikumako. 26:26. Mamalelo, 16 hano, Ikiye ali nakuhanjika kuli Shimona Petulu; ngukonekelenu, Kangweshi nakulumbununa kuhanjika ngachizeko. 26:26, mwomwo kupwa kaha na kulya chachingoloshi, chikiko Nguli nakutonda kuwana. Matewu, kapetulu 26 kaha vasi ya 26. Jino etu twamuwane, ahajino, ha kulya chachingoloshi chamakumishilo.

Kaha omu vapwile nakulya, Yesu anonele mbolo, ayiwashile, ayipuzwile, kaha avahanyinayo tumbaji Twenyi, kaha avambile ngwenyi, Tambulenu, lyenu; ou mujimba wami.

Anonele lupasa nawa, asakwililile, avahanyinelwo, ngwenyi, Nwenumo muvosena;

Mwomwo awa akiko manyinga akushikechi chachihya, mwomwo akuhichisa hali vavavulu akuneha

kwakonekela milonga ya shili (s-h-i-l-i, shili, Vakakulishitu uze eji kulinganga chakuhenga).

65 Chosena chakwoloka, “Oloze—oloze...” Ivwulilenu, vasi 29.

... Nangumilweza ngwami, Kufumisoholili kangweshi kukanwa cheka wala wa mihako yavinyoko, kwanga halikumbi lize kaha haze Nangukanwa wauhya nayenu hamwe muwangana wa Tata.

66 Chumamuka? Chize chuma chochimwe Mekizeteke alingile hanyima ya Apalahama atambwile chihela chenye. Ahakile malunga jenyi muchiyulo, kaha ahashile jita, kaha akindulukile kwimbo, kaha Mekizeteke alovokele na mbolo na vinyo. Hanyima yakukumisa jita, jino etu natuya nakulya ku Chifupa Wenga na Mwata Yesu mu kaye kakahya. Mamalelo, kukisula chipwenga ku Lijina lya Mwata. Chosena chakwoloka.

67 “Awa mangana akuswamana akuya mwaya muchima Wenye, kuteseke na kuwaha Chenye,” kukinduluka jino cheka mu Efwesu, 9, “muze Ikiye ajinyine muli Lyavene.”

Kutwala nakumwaka wakutesamo myaka...

68 Kaha anukenu chize, etu twahitanga echi. wa Vakaefwesu, kapetulu 1, vasi 10.

Kutwala nakumwaka wakutesamo myaka...

69 Jino, etu twalinangwile chize kuzalilila cha lwola chili nakuvandamina chumamuka? Chize kuzalilila cha lwola, luze lwola luze omwo shili nayikakuma, lwola omwo kufwa nachiya nakukuma, lwola omwo misongo nayikakuma, lwola omwo shili nayikaya nakukuma, lwola omwo vyosena vya kwalumuna (chize kuchongona vyuma, chize liyavolo nachongona) nauya nakukuma, omwo lwola luvene nauya nakukuma. Tala.

Kutwala nakumwaka wakutesamo myaka yosena mangana ngwenye vyuma vyosena akavifutakanyine... muli Kulishitu, navyuma vya mwilu na vyuma vya vize hamavu; muli ikiye:

70 “Kukungulwa vyuma vyosena kuhichila muli Kulishitu.” Nge omu Ngwambanga na chimene chino, vyosena vyavilemu twatundende vize etu tunawana, vyuma vyavindende, enu munahase kuwahisa mu Kuputuka, enu kuwahisa mu Kulovoka, enu munahase kuvawahisa Vakalevi, kaha kuvaneha mbwe, na mu Kusoloka vakiko nakukumishila kupwa muli Yesu. Enu mbatenu Yosefwa, enu mbatenu Apalahama, enu mbatenu Isaka, enu mbatenu Yakova, enu mbatenu Ndavichi, enu mabatenu kala vosena vaze vavalemu, vaze malunga ja Kalunga, kaha talenu kachi enu kwamweshi kumona Yesu Kulishitu kusolola muli umwe namukwavo. “Chize Ikiye nahase kukungulwila vyuma vyosena muli Umwe, Kulishitu Yesu.”

71 Jino, chindende kutwalilaho jino, jino vasi 11.

Muli ikiye mukiko vene vatulingishile kupwa tuwaswana, . . .

⁷² Mamalelo, “na uswana.” Muthuumwe atela kuseza enu chumachimwe, kuswana echi. Echi chakwoloka? Na uswana! Uswana muka etu tulinakulinga? Uswana muka Nguli nawo? Kangweshi nachimweko. Oloze Kalunga angusele yami uswana omwo Ikiye ahakile lijina lyami ha Mukanda wa mwana Mukoko wa Kuyoya shimbu kwala chihela cha kaye.

⁷³ Mamalelo, enu ngwenu, “Jino, vandamina munyutu kaha, ndumbu walunga, Yesu alingile chize omwo Ikiye afwile hali enu.” Nduma, Ikiye kanda lyehi. Yesu ejile nakulanda uze uswana hali yami. Tanga ize vene vas- . . . inashishiho.

Muli ikiye etu nawa vene vatulingishile chifwanyisa. . . kupwa tuuswana, mwomwo vatutongwele lyehi hakulivanga nge kutesa namuze akavilengeou eji kuzachisanga vyuma vyosena mwaya pungu ya mumuchima wenyi wamwaza:

⁷⁴ Kalunga, shimbu kwala chihela cha kaye, nge omu etu twambatanga echi nakuhita mukutanga, enu vathu, omu etu twamwene Kalunga apwile wakulimanyina, omu chize muli Ikiye apwile wazangi. Muli Ikiye apwile Kalunga; kuze kakwapwile chuma chakulifukula muli Ikiye. Muli Ikiye apwile nakupwa Tata; kuze kwapwile. . . Ikiye apwile hali Lyavene. Muli Ikiye apwile Mulwilo; kakweshi chakujimbalo. Muli Ikiye apwile Mukakuka. Chize chinapu vilinga vya Ikiye. Kuze kakwapwile chumachimweko. Shikaho Ikiye Lyavene Ivene, Lyavene Ivene kuwaha cha kunea vyuma vyosena, chize Ikiye nahase kuhita muli umwe Lunga, Kulishitu Yesu, kungulula vyosena hamwe cheka. Mamalelo! “Liso kalyamwene, litwitwi kalyamweneko. . .” Shikangaho echi chinapu chuma chakuswama!

⁷⁵ Tala, “natutongola muli ou uswana.” Kachi Nguli wakwoloka mu uswana wa chuma chimwe, kachi Kalunga ali nakungongomweza ha muchima wami nakuhanjika, “William Branham, Ngwakusanyikile lyehi hashimbula, shimbu kwala chihela cha kaye, kunangula ou Mujimbu wamwaza,” Ngukwechi uswana, uswana wa Kuyoya cha Hayamyaka. Jino, Kalunga atumine Yesu kulingisa uze uswana kupwa wamwenemwene kuli yami, mwomwo kuze kakwapwile chumako Ngwashile kulinga na—na kuchiswana. Chize chapwile hatoma to, chapwile chakuhona ulemu, kakweshi nachumako Ngunahase kulinga. Oloze mukuzalilila cha lwola lwa Kalunga atumine, mu lwola Lwenyi Ivene lwamwaza, Yesu uze mwana Mukoko, wakujiha lyehi shimbu kwala chihela cha kaye. Manyinga Eyi apwile akumwangala mangana Nguhase kuya kuuswana wami. Nakupwa ika? Uswana uka? Uze wakupwa mwana, kupwa mwana Kalunga.

76 Kaha jino Echi chinahase kukuswamisa ove swi nakukufwa. Oloze munatachikiza nge malunga vaze vapwa vana va Kalunga vapwa tulunga vavandende? Vangahi vatachikiza chize? Vangahi vatachikiza nge Yesu ahanjikile ngocho? Eyi Mbimbiliya, Yesu ambile ngwenyi, “Kumana lushimbi lwenyi kalwahanjika, luvene, nge enu munapu mu ‘tulunga’? Kaha kachi enu vamivuluka kupwa tulunga...” Kulumbununa, Kalunga ahanjikile mu Kuputuka 2 nge vakiko vapwile tulunga, mwomwo mukiko vapwa, vapwile nawata ha mawata aha kaye. Ikiye amuhanyine wata hali vyuma vyosena. Kaha ikiye ajimbalishile uze ukalunga, ikiye ajimbalishile uze umwana, ikiye ajimbalishile uze wata, kaha Satana achimbachile. Oloze, ndumbu walunga, etu tulinakuvandamina kusoloka cha vana va Kalunga vaze navakeza cheka na kumbata chize cheka. Kuvandamina kuzalilila cha lwola, omwo kaposhi mwakazala nakwilu, omwo vana vavene va Kalunga navakaya nakusoloka, omwo ngolo ja Kalunga najikaya nakutambuka nakulovoka (haleluya) kaha mwakaya nakumbata ngolo ja Satana kujifumusa muli ikiye. Eyo, mwane, jatwama kuli ikiye.

77 Ikiye uze Longosi uze alovokele muli Kalunga, ou unapu muchano, uze apwile Mwana Kalunga. Jino Ikiye atungile muthu uze kalunga wamundende. Kaha Ikiye ambile ngwenyi, “Kachi vakiko vavulukilenga vaze kukwechi Lizu lya Kalunga lyejilenga, kupwa tupolofweto, kachi vakiko vavulukile kupwa ‘tulunga’ vaze kukwechi Lizu lya Kalunga lyejilenga...” Kaha Kalunga ahanjikile ngocho, Lyavene, nge vakiko vapwile tulunga. Ikiye amulwekele Mose, “Ngwakulingisa ove kupwa kalunga, kaha Alone kupwa kapolofweto kuli ove.” Amena. Hwi! Ngunahase kulinga nge mukovocho wa kulifukula, oloze Kangweshiko. Mamalelo, omwo meso enu anahase kufukunuka na kumona vyuma kana. Chosena chakwoloka. Ikiye amulingishile muthu kupwa kalunga, kalunga mu wata wakuyula. Kaha wata wenyi weji kuya kufuma mukalungalwiji na mukalungalwiji, kufuma kungenge na kungenege; ikiye apwile na kutetekela waechi.

78 Kaha omwo Yesu ejile, kupwa Kalunga Umwe chakuzeneka shili, Ikiye achinjikijile. Omwo jipeho jahuhwile, Ikiye ambile ngwenyi, “Kuunda, pwako wakuunda!” Amena. Kaha omwo uze mutondo, Ikiye ambile ngwenyi, “Kakweshi muthu mwakalya kufuma kuli ove mutondoko.”

79 “Chamwenemwene, Nanguhanjika kuli enu, enu tulunga vavandende, kachi enu namuya nakuhanjika kuli eyi pili, ‘Tutuluka,’ kaha kukakasana mumuchima wove chauchi, oloze kufwelela nge chuma unahanjika nachiya nakusoloka, naukaya nakupwa na vyosena unahanjika.”

80 Yenu kindulukenu ku Kuputuka, uze kaputu, apwa chuma muka? Jino kaye na tengeso ili nakulyonyinga, kulila, vyuma vyosena kutambuka. Chumamuka? Mwomwo ya kusoloka cha

vana va Kalunga, omwo vana va muchano, vana vanasemunka, vana vakuzala nakuhanjika kaha mazu avo vanawenjikiza. Ngwafwelela etu tuli mumusetu hano vene jino. Eyo, mwane. Hanjika kuli eyi pili, echa yipwenga ngocho.

⁸¹ “Ndumbu walunga, Nguna—Ngunafwila *munganji na mukananga*, chuma chimwe chatela kulingika. Ngumukakufwelela muli Yesu Kulishitu.”

⁸² “Ngunachihane kuli enu mu Lijina lya Mwata Yesu Kulishitu.” Amena. Chize chikiko kusoloka.

⁸³ “Mamalelo, ndumbu walunga, jimbuto jami jili nakuwema. Kangwapwilenga na vulako.”

⁸⁴ “Nangutuma vula, mu Lijina lya Mwata.” Kuze ikiye mwakaya nakwiza. Mamalelo, kuvandamina, kulyonyinga, tengeso yosena kuvandamina ha kusoloka cha vana va Kalunga. Kalunga atongwele echi ha kuputuka. Ikiye ahanyine muthu wata.

⁸⁵ Ikiye ahanyine Yesu Kulishitu, kaha Yesu ahanyine Lijina Lyenyi, na kukunyuka, “Hula Tata kalachuma mu Lijina Lyami kaha Navaya nakumilingilacho.” Mamalelo, Ndumbu walunga Palmer! Kuvandamina kusoloka cha vana va Kalunga, chize chihela, cha Liuka!

⁸⁶ Nge muze Ngwambile, mu Mukanda wa Vakaefwesu unapu Mukanda wa Yoshiwa, kaha Yoshiwa kuswanyisa vathu muze vatela kupwa. Jino, kachi vakiko kaveshi kuhasa kwimanako, kaha ikiye mwahaka Efwalime *hano*, kaha Manase muze mulifuchi, kaha *ou* umwe mwakakinduluka na kupihilila na kufutaka, omwo vakiko vatela kuya napupwa hamwe? omwo umwe kuhanjika, “Yami ngwapwa Mbaputishiti, Yami ngwapwa Mesondisiti, Yami ngwapwa Pendekosita, Yami ngwapwa Waninesi, Yami ngwapwa Twoness, Yami ngwapwa *Munganji na mukananga*.”

⁸⁷ Nanuya ngachilihi nakulinga echi? Imana kulu! Kalunga ali nakutonda chihela mu Liuka Lyenyi, vaze vana vamalunga na vmapwevo va Kalunga. Kalunga, echa yami ngumone echi, chikiko kulomba chami. Shikaho soka palanga Nguhase kwivwa echi na mavoko ami osena, kutala ngachize. Echi chili vene hano. Chize chikiko Ngwafwila kupwa nakumona, kuvandamina lwola omwo kutambuka nakushikumuka mujila, muze mwapwile chitonji wakalepa, kufuma mujimo lya naye, “Siliva na ulu Kangweshi nayiko.” Mamalelo, kuvandamina kusoloka cha vana va Kalunga, haleluya, omwo Kalunga mwaya nakumulingisa Lyavene kutachikiza, omwo vakiko navaya nakwimika misongo, vakiko navaya nakwimika kansa, vakiko navaya nakwimika misongo.

⁸⁸ Enu shinganyekenu kansa chumachimwe? Eyi Mbimbiliya yahanjika ngwayo kuli nakwiza lwola omwo malunga navakapola munyama yavo, kaha makololo navakalya mijimba

yavo shimbu kanda vafwenga. Kansa yinapu lushiya ku chuma kana chili chilinakwiza. Oloze, anuka, chize chinapu chuma chapwile chakukanyishiwa muli lize likumbi kukwata hali vase vapwile na Katachikijilo kaha Kalunga. Chize chikiko etu tuli nakufwila jino, kwingila nakupwa muvihela mu Wangana wa Kalunga shimbu kanda misongo yayikalu yisoloke. Mamalelo, omu chawaha! Kusoloka cha lwola, kuzalilila cha lwola, mu uswana.

Muli ikiye etu nawa...twatambwilamo...uswana, kupwa vakutongola...

⁸⁹ Uswana wetu vauhanyine ngachilihi kuli etu, kuhichila muka? Kutongola. Kutongola chinapu kutachikizaho lyehi. Kalunga atachikijile Ngachilihi nge Ikiye mwahasa kukufwelela ove mukakunangula? Kutachikizaho lyehi chenyi. “Kacheshi cha ou mwasaka mokomoko chaou mwalaha, mokomoko chaou... Chili cha Kalunga eji kusolwesanga keke.” Echi chakwoloka, kutongola. Ikiye atachikijile chumamuka chapwile muli enu. Ikiye atachikijile chumamuka chapwile muli enu shimbu enu mavu kanda. Ikiye atachikijile chuma muka chapwile muli ikiye shimbu kanda mavu apwengako mangana enu mwizenga. Chize—chize chili muli Ikiye. Uze ikiye Kalunga wakuzeneka maputukilo. Etu tuli vakukuminamo, etu tunahase kaha kushinganyeka mwakukuminamo.

⁹⁰ Echi chinapu chikuma kuli yami, kufuma chize chasolokele kuli yami. Ngunahono kutachikiza. Omwo Ngweji kushinganyeka muze, omwo Ngwemanyine muze hali jize jitando jakuwahilila jajindende, kaha kushinganyeka, “Nge kakweshi hamaneko.” Kuze kakweshi zau, kuze kakweshi misongo, kakweshi ushona. Kuze kakweshi kuwahilila chachindende, jino kuwahilila chakuzalilila; chili kaha kuwahilila. Mamaah, yami! Mamalelo, omwo Ngweji kwimananga kaha Ngwambile ngwami, “Chuma muka echi?”

⁹¹ Lize Lizu lyahanjikile ngwalyo, “Eyi yikiko zangi yakukupuka, kaha vyuma vyosena vize ove wazangile kaha vyuma vyosena vize vwakuzangile ove vili hano naove jino.”

⁹² “Kaha ove mukatuhana kuli Mwata Yesu omwo Ikiye kwiza, nge luheto lwa mulimo wove.” Ngwamwene vase mapwevo vamwaza vanema kuze, vosena kungukumbata na kutambakana, “Wetu wamwaza, ndumbwetu wakuzanga!” Kumona vase malunga na jikambu jakufwakuluka jakujinguluka mujishingo javo hano, kulaha, kungukumbata nakuhanjika, “Ndumbwetu wakuzanga!”

Kaha Ngwashingtonyekele, “Chuma kana chalumbunukila muka?”

Ikiye ambile ngwenyi, “Vakiko vanapu vathu jove.”

93 Ngwambile ngwami, “Vathu jami? Kuze kakweshi kuhasa kupwa vaka Branhams vavavulu nganako, kwapwile jimiliyoni.”

94 Ikiye ambile ngwenyi, “Vakiko vanapu vove walumwine!” Haleluya! “Vakio vanapu vove. Vakiko vanpu vamwe vase. . .” Ngwenyi, “Ove unamono uze nemana haze?” Uze pwevo wamwaza chikuma knada lyehi Ngumone. Ambile ngwenyi, “Ikiye apwile wakuambakana myaka nayite kashinakaji omwo ove wamutwaminyine kuli Kalunga. Shikangaho ikiye ali nakulila, ‘Ndumbwami wakuzanga.’” Ambile ngwenyi, “Ikiye keshi kapwa cheka kashinakajiko. Ikiye nahichi lyehi muze. Ikiye jino museteko ya ukweze. Ikiye nemana hano. Ikiye keshi kunwa meya atutako, keshi nakuwatondako. Ikiye keshi kusendavala na kusavalako, mwomwo ikiye kazeyako. Muze kamweshi hameneko, kamweshi zau, chipwe kalachuma. Etu tuli mu Hayamyaka jino. Oloze likumbi limwe lyaupahu Mwana ka Kalunga mwakeza, kaha ove navakakusopesa kutesekesa na eli Lizu lize ove watunangwile.” Mamalelo, ndumbu walunga!

Ngwambile ngwami, “Na Paulu atela kuneha lizu lyenyi?”

“Eyo, mwane.”

95 Ngwambile ngwami, “Ngwa Unangwile muze vene Paulu ahanjikile wa tela Kupwa. Kangwapipukilemoko, Kangwambachile chipwe kala jishimbi ja liuka mokomoko kala chuma. Ngwatwamine chochimwe.”

96 Kaha vakiko vosena vatambakanyine na lizu limwe, “Etu twatachikiza ngocho! Etu tuli nakunokela hakukunyuka kana.” Vambile ngwavo, “Ove mukatutwala kuli Ikiye, kaha jino etu vosena natukaya nakukinduluka hamavu cheka, tukayoye hayamyaka.” Mamaah, yami!

97 Haze vene Ngwaputukile kwiza. Ngwatalile, kusavala haze hakahela, kaha Ngwamwene mujimba wami wamwaka haze kupwa na kushinakajiwa na mikonya, kaha wakunyowa na—na misongo nakuyanjiwisa, kaha Ngwamwene mavoko ami kunyima yamutwe wami, kaha Ngwashinganyekele, “Mamalelo, kutala Nangukakinduluka cheka muchuma kana cheka?”

98 Kaha Ngwatwalileho kwivwa lize Lizu, “Twalilaho kushindakana! Twalilaho kushindakanya!”

99 Ngwambile ngwami, “Mwata, Ngwafwelelanga lwola lwosena mukuka cha Ukalunga, Nangutwalilaho lika kufwelela muli echi. Oloze Nangutwalilaho kushindakanya hali ize myono, shikaho ngukafweko. Nangukaya nakupwa navo vavavulu kuze Nanguya. . .Echa nguyoye, Mwata, kaha Nanguya nakuhaka miliyoni ikwavo muze, kachi Ove muya nakukwecha nguyoye.”

100 Kangwalizakaminako ulombo muka, lushimbi muka, lifuchi muka, chumamuka vakiko vapwa, vakiko vapwa vosena omwo vakiko vapwa, kaha jize jingiza vafunda vanajihichi lyehi.

Mamalelo, Ngwahashile kumona vaze mapwevo, vamwaza chikuma; kanda lyehi nguvamone. . . vashikumukile, najikambu jashisuku mbwe nakumavu. Mavifunga vyavisuku mbwe nahamavu. Veka mahinjihinji. Talenu vaze malunga na jikambu zuzulu nakujinguluka shingo, mitwe yichila, miywe yilava, kaha maulombo akuhandunuka. Kaha vakiko vambililenga mavoko avo hali yami. Ngwavevwilenga. Ngwevwilenga mavoko avo. Kalunga napu Mukakungusopesa, kaha naou Mukanda wajila wakusokoloka. Ngwavevwilenga halwola lwolumwe nge omu Nguli nakuwevwa kumeso ami. Vakiko wapwile nakumbila mavoko avo hali yami, kwivwa usunda hali mapwevo chauchi nge omu chili jino. Kangwalizakaminako wapwa wakujila ngachilihi, ove uhiya, muyachi muka wamukakunangula muka ove wapwa, kapilishitu mokomoko kala mwosena omu wapwa, kakweshi lunga mwecha pwevo kumbila mavoko ahli ikiye, chakuzeneka kwivwa usunda wauthu. Echi chinapu chakwoloka vene mumuchano. Oloze, ndumbu walunga, omwo nauhita mukachi ka hano na musali, kacheshi chochimweko. Mamaah, yami! Echili ngocho. . . Mamalelo, kuli. . . Echi chili chachikalu. Echi chili kaha zangi. Vyuma vyosena vinapu vyamwenemwene ndumbu walunga kaha vyuma vyosena vinapu vyamwenemwene ndumbu wapwevo. Kuze kakweshi kufwako, ushona waushi, lwisio lwauchi, kakweshi chumachimweko, kakweshi nachikenila muze. Muli kaha mwakukupuka. Chikiko Nguli nakukilikichila. Chikiko Ngunaswanyina.

¹⁰¹ Ngwambile ngwami, “Ove Mwata, echi chikiko Nguli hano ha liuka, kweseka kuhaka liuka muchiyoyelo.” Kumilweka, ndumbu walunga na mapwevo, kuli kaha chuma chimwe chize chinahase kwingila muze, ize yinapu zangi yakukupuka. Keshi mwomwo enu muli vakushishika ku Mbalaka ya Branham, mokomoko liuka lya Mesondisiti mokomoko liuka lya Mbaputishiti. Vakiko vosena vakwoloka, ove watela kupwa. Oloze, mamalelo, masepa, ove ukwechi. . . Keshi mwomwo ove weji kuhanjikanga malimi, kukina mu Shipilitu, mwomwo ove unatapula maliyavolo mokomoko kututula jipili na lufwelelo. Chize chosena chakwoloka, mwomwo chize chosena chakwoloka, oloze hanga kuvangila zangi ya kukukupuka chivene muze. Chize chapwile kwapwile zangi yakukupuka. Kaha chize chili kaha chuma nachiya nakwecha muli chize. Chize chili kaha chuma chakutwama kuze, echi chili kaha chuma chili muze chapwile, kuze. Mamaah, yami! Echi chili kutwitavila. Kalunga, shimbu kanda kwala chihela cha kaye!

¹⁰² Jino, echa tuzangule, echa tupwenga umwe kapetula kuhichila, mwosena kala, kachi chinahase, mu minyutu ya teni.

Muli ikiye etu tunatambula uswana. . . (Etu tunaswane ika? Kuyoya cha Hayamyaka. . . kupwa vakutongola. . .

Ngachilihi? Kumana kala muthu evwivushisa chize? Kutala mwasanyikile hali Kalunga? Nduma, Kalunga akusanyikile. Vathu vamwe kuhanjika, “Mamalelo, Ngwatondele Kalunga, kaha kutonda Kalunga.”

Ove kawahashileko. Kakweshi muthu atonda Kalunga. Chinapu Kalunga kutonda muthu. Yesu ambile, “Kakweshi muthu mweza kuli Yami kuvangila Tata Yami mwamukoka chatete.” Talenu, echi chinapu chisemwa cha muthu kuchina kuli Kalunga. Kaha enu namuhanjika jino. . .

¹⁰³ Chize, chize chikiko chinanguyanjisa, kuhichila, kunangula kuli vathu; kanda musala ha seteko yoyimwe ove unapunga nakuya, kwalumuna jino! Ngwivwulile omu Nanguhanjika echi, MUKIKO MWANAMBE MWATA. Kanda lyehi ngulivuluke echi, Yami kangweshiko. Oloze enu mweji kunguvuluka kupwa kapolofweto, mokomoko kapolofweto. Aka kaye kafwelela chize, kaye kwosena, jimiliyoni na jimiliyoni na jimiliyoni ja vathu. Ngunahanjika vene hatoma na mwakusweka ku teni mokomoko—teni mokomoko miliyoni ya vathu, mokomoko kuhambakana, kuhanjika hatoma. Ngunamono masauzande teni a vimweno na vinjikizo na vikomwesa, kaha keshi chimwe chahonako. Kaha chize chakwoloka. Ikiye angulwekele yami vyuma vize kanda vihone kusoloka vene. Nanguya nakuneha kala muthu kweseka hali chize. Chize chakwoloka. Kangwalivuka kupwa kapolofweto, oloze enu ngwivwulilenu.

¹⁰⁴ MUKIKO MWANAMBE MWATA, nachiya nakupwa na zangi yakukupuka hakuhaka muli enu chize chihela, mwomwo chize chili chosena muze. Chipwethuhu mali muka, nakupwa ngachilihi nakusoloka cha kulifukula, vilinga vingahi nangulingi mokomoko kalachuma munalingi, chize kacheshi kuhasa kupwa chumako ha likumbi lize. Nachitondeka zangi yakukupuka. Shikaho kalachuma enu namulinga, enu tulikenu kusali ya vyuma vyosena nawa palanga enu kupwa vakuzala na zangi ya Kalunga palanga nomu namuzanga vaze mwajinda.

¹⁰⁵ Nguli kaha, nge Nguhanjika echi chimene chino, Vangutungile, kutunga chami chosena chinapu likoji. Vathu vavavulu kuhanjika, “Jino, ove ngukule munyima kaha na Nanguya nakukula yove. Yaah, enu namulinga chumachimwe hali yami kaha Nanguya nakulinga chumachimwe hali enu.” Chize chinapu likoji. Likoji lili, kachi nyima yove ili nakuzwa, Nanguya nakuyikula, chipwethuhu enu namukula yami mokomoko chiku; enu munahase kunguveta mbata kumeso ami, aha kuhanjika “nyima yami yinatondeka kuzw- . . . mokomoko, kutondeka kuyikula,” Nanguya nakuyikula. Talenu? Echi chili, kulinga chumachimwe. Kangwafwelela mumilimoko. Ngwafwelela echi kupwa milimo ya zangi. Milimo yinapu—milimo yinapu kusoloka cha likoji chinasoloka. Kangwayoya mumuchano kuli puwamiko mwomwo Ngwafwelela ikiye kupwa

wakulukulula kachi Kangweshi, Ngwayoya mumuchano kuli ikiye mwomwo Ngwamuzanga ikiye.

106 Kangwanangula Mujimbu wamwaza mwomwo Ngwashinganyeka Nanguya kuhetese kachi Kangweshi kuchilingako, Ngweji kunangulanga Mujimbu wamwaza mwomwo Ngwamuzanga Ikiye. Punduvene. Ove washinganyeka Nanguya nakuzauka nyamanganda, kaha jindeke kuluka kunyima na kulutwe, kaha miveso kwosena, kaha—kaha vyuma vyosena nawa, kaha kala munyutu. . . kaha kalamuthu kutetemuka, kaha “Ove Maliya” kuya nakuhita muchana, kaha vyuma vyosena? Vaze vathu kuhwingangila muli vakiko na mihya yakuinga, kaha mukakwendesa ndeke ngwenyi, “Na peho yakutamo yakutela muminyutu fifiteni, kuhona kutachikiza oho tuli.” Kumana ove unashinganyeka Nanguya nakulinga chize nge—nge mujila kana yakulingila? Huu! Ove unashinganyeka nge Ngunahase kukinduluka muze mupambo yakuze ku maswalale vaku German vahakile mavoko hali yami echi *chili* ufuku wosena na kungumbata mukwingila nakulovoka cha kuliwana, palnga Shipilitu Wajila kuputuka kuzata cha vikomwesa? Communists kutwama na vakaufuku, nakungumona hahasuku nge milosi. Kumana munashinganyeka Nanguya nakulinga kaha vyakusehesa hali echi? Mwomwo chumachimwe muli yami chazanga; vakiko vanapu vaze Kulishitu afwilile. Pauulu ambile ngwenyi, “Nguli kaha nakufwila kuya ku Yelusalema, oloze Nguli nakuya nakupwa kuze mangana vakakusukika. Nguli nakuya nakufwa. Nguli nakuya nakupwa kuze mangana kufwa mwomwo ya Mwata.” Echi chili chumachimwe, zangi nayikulingisa ove, kukulingisa ove. Echi chili vene chakwoloka.

107 Kachi Nanguya nakunangula Mujimbu wamwaza ha mali, kachi echi nachiya nakupwa, Kachi kangweshi na twende sauzande ya mandola ufukuunoko mumukuli, Kachi kangwapwile na mukuli. Nduma, mwane. Mwomwo kachi Ngunalame vyuma vimwe vya—vyuma vya jimiliyoni vananguhanengavyo. Lunga umwe, lunga umwe atumine miluwa wava FBI na miliyoni faifi handulendi sauzande ya mali amandola. Kaha Ngwambile ngwami, “Akindulwise.” Kangweshi hamaliko! Echi kacheshi cha maliko. Kangwanangula Mujimbu wamwaza mwomwo ya mali. Keshi hali chizeko!

108 Echi chili mwomwo ya zangi. Chuma Ngunatondo kulinga, chili, omwo Nanguzauka kuhwima chamakumishilo kuze, chize chinahase kupwa mu minyutu faifi kufuma haze jino, pamo chipwe jiola jivali kufuma haze jino, pamo myaka fifite kufuma hano, Ngunahono kutachikiza omwo chize nachikaya nakupwa. Oloze omwo echi nachilingika, Nangukahete kuze, Ngwatondo kumona enu mukuwaha chaukweze, kulaha, kutambakana, “Ndumbu wamwaza walunga! Ndumbwami walunga!” Chize

chikiko chili mukachi ka muchima wami. Chize chikiko chili. Kangweshi nakweseka kukanako na enu kupwa—kupwa wakuhandunuka, oloze Nguli nakweseka kumihaka mujila hazevene. Ize ikiko jila. Keshi liuka lyove, keshi chikungulwilo chove, oloze kusemuka chove muli Kulishitu. Mamaah, yami! Hwe!

Muli ikiye... mukiko etu vatulingishile... kupwa tuuswana, mwomwo vatutongwele lyehi hakulivanga nge nakutesekesa namuze akavilenga eji kuzachisanga vyuma vyosena mwaya pungu ya muchima wenyi:

¹⁰⁹ Ivwulilenu. Etu tulinakuya nakupandama muminyutu yayindende. Ivwulilenu chikuma jino shimbu etu natupandama.

Mangana ngwenyi tukapwenga tuvakwalishila upahu wenyi, etu vene twalivangile... Kulishitu.

Muli ikiye nayenu nawa,...

¹¹⁰ Talenu echi jino, chikuma. Kwatenu kutuhuma twenu, tuhuma twa Mujimbu wamwaza. Sokololenu matwitwi enu, ivwulilenu chikuma. Nguli ha vasi ya 13.

Muli ikiye nayenu nawa, omu mwevwile...

“Lufwelelo lweji kwizanga ha...” [Chikungulwilo ngwacho, “Kwivwulila.”—Muka.] “kwivwulila lize...” [“Lizu.”] “Lizu lya...” [“Kalunga.”]

... omu enu mwevwile lize lizu lya muchano,...

¹¹¹ Muchano Chumamuka? Lize Lizu lya Kalunga. Echi chili chakwoloka? Yowano 17:17, enu muli kusoneka Visoneka, Yesu ambile ngwenyi, “Vajilike, Tata, kuhichila mu Muchano. Lizu Lyove linapu Muchano.”

... omu... enu mwevwile mazu... amuchano, akiko mujimbu wamwaza wakumulwila chenu:...

¹¹² Ulwilo wapwile chumamuka ikiye apwile nakweseka kumilweka? Kutongola shimbu kanda kwala chihela cha mavu (Echi chakwoloka?), kutwitavila kupwa vana, kututongwela ku Kuyoya cha Hayamyaka. Jino, hanyima enu kwiza mu Kuyoya cha Hayamyaka, hanyima enu vanamilwili, kujilikiwa, wakuzala na Shipilitu Wajila, enu munapu vana. Jino Kalunga kutonda kumiswanyisa muvihela vyenu, mamalelo, mangana kuzachila Wangana Wenyi na upahu Wenyi.

¹¹³ Uze unapu Mujimbu wamwaza. Kupwa, chatete, kwivwulila eli Lizu, “Kupihilila, kaha kupwa vakujimika mu Lijina lya Yesu Kulishitu chakuneha kukonekela jishili.” Kufumisa jishili jenu, kusanyika ha Lijina lya Mwata Yesu Kulishitu, ha Lifuchi lya lushiko. Elu lushiko lunapu nakuli mukaungeji uze hapwile ha mukwakwa. Kachi enu mwasele limbo lyove ufukuuno, mukashili, kuhanjika, “Nanguya nakutambuka nakuya ku Mbalaka ya Branham,” Kalunga nakuhane lisesa ufukuuno.

Kuli chuma chimwe mukachi ka enu na Lifuchi lya lushiko. Chumamuka Lifuchi lya lushiko? Eyi Shipilitu Wajila. Chuma muka chili mukachi ka Yoshiwa na lifuchi lyalushiko chapwile mukachi ka Yotane. Chakwoloka vene.

¹¹⁴ Mose, hakupwa muyachi wa Kulishitu, kutwaminyina vana palanga na kulifuchi lya lushiko, jino Mose katwalile vana muze mulifuchi lya lushikoko. Yoshiwa ambachile vathu nakuvengisa nakuvapangila lize lifuchi. Yesu afwetele ndando, kuvatwaminyina na Shipilitu Wajila. Kalunga atumine Shipilitu Wajila kuze na Ikiye muchihela kuhaka liuka muchiyulo, muthu wosena, kumuzalisa na Kupwa Chenyi Kumeso. Enu munamono omu Ngwatwale? Vosena vali muli Kulishitu Yesu, omu Kalunga atongwele echi nakuvuluka cha Mujimbu wamwaza!

¹¹⁵ Paulu, Vakangalesha 1:8, ambile ngwenyi, “Kachi Kangelo mweza nakunangula kalachuma cheka, echa ikiye apwenga wakwangula.” Ou Muchano, Mujimbu wamwaza. Jino ivwulilenu kanawa shimbu etu natulomba, kukumisa vasi.

*...mujimbu waulwilo wenu: muli ikiye...
(Ivwulilenu kanawa)...hanyima yachize enu
mwafwelelele, enu vamijika na eyi Shipilitu Wajila
wa lushiko,*

¹¹⁶ Mumakumbi akumakumishilo, eyi Mbimbiliya yahanjika ngwayo, jino tala, mumakumbi akumakumishilo nakukaya nakupwa mazavu avali avathu. Umwe wavo kuya nakupwa Katachikijile ka Kalunga, umwe ukwavo na lusoneka lwa chisuma. Echi chakwoloka? Vangahi vatachikiza echi? Chamwaza, kachi Katachikijilo ka Kalunga kanapu Katachikijilo ka...Kachi Katachikijilo ka Kalunga napu Shipilitu Wajila, jino chakuzeneka Shipilitu Wajila napu lusona chisuma. Kaha Mbimbiliya yahanjika nge awa mashipilitu avali anahase kupwa hamwe nakuhasa kuhungumwisa navaze vene Vakusakula kachi chahashile. Kacheshi kukahase kulinga echiko, mwomwo vakiko vapwile vakusakwila ku Kuyoya cha Hayamyaka. Talenu?

¹¹⁷ Vakakuya kuliuka, kutachikiza kaha vaze vajike likumi valovokele nakuya nakuliwana na Mwata, vosena vakujilikiwa, vosena vakujila, vosena muli vakiko vakujilikiwa. Vatanu vapwile vakuhulama kaha manongo avo kujima. Vatanu vapwile na maji mumanongo avo. “Kaha, talenu Samwenga ali nakwiza!” Kaha vatanu vapwile na maji mumanongo avo hakwingila Muchifupawenga Chachingoloshi. Kaha veka vavasele kuweluka kuze navakapwa nakulila na kulingejunga kumazo. Pwenu vakulizanga, mwomwo enu kamwatachikijileko munyuto muka Mwata mweza. Kupwa...Chuma maji emanyinako ika mu Mbimbiliya? Shipilitu Wajila.

¹¹⁸ Jino kuli enu lelo, enu vandumbwetu va Seventh-day Adventist mweji kuhanjikanga nge likumbi na muchitanu

anavali lyapwa Katachikijilo ka Kalunga, nehenuko Chisoneka chimwe kwinjikiza echi. Eyi Mbimbiliya yahanjika nge Katachikijilo ka Kalunga kanapu Shipilitu Wajila. Talenu hali echi. “Uze. . .” Tala ha vasi ya 13 jino.

. . . *kufuma haze enu vakuzanga, enu vamijikile na eyi—na eyi Shipilitu wajila wa lushiko.*

119 Tufukununenu mu Efwesu 4:30, Ngwafwelela nge mukiko vene. Talenu kachi etu katwawanyine 4:30, talenu kachi kapwile youmweko. Vakaefwesu, kapetulu 4 kaha ha vasi ya 30. Yaa, yino ili hano, 4:30.

Kaha kanda kanyengetesa Shipilitu wa Kalunga, uze enu vamijika nenyi palanga nakulikumbi lya kusokoka.

120 Swi nakulihi? Omwo enu vene, vene mwatambwile Shipilitu Wajila, swi nakulihi Yatela kushimbula muli enu nakulihi? Palanga nakuhizumuka chikwavo, palanga nahase kaka wapwevo kutumbuka jila yove, palanga nakuheta mukulwane wove wamilimo nakuhange milimo? Palanga nakulikumbi lyove lya kusokoka! Haleluya!

121 Hanyima ya enu kufwa, kuvanga enu muzauka nakwingila muze mu Lifuchi, nge enu munemana kuze na vaze mwazanga, enu hanga mwazalila na Shipilitu Wajila. Chizoneka! Enu hanga kaha enu jino, kuvangila enu mukwechi. . . enu munafumu mumujimba ukwavo. Enu munalumuna kaha jizuvo. Eyi tulinayo yamwaka, enu kamweshi kuhasa kuhakaho kakahya kakalunga haukiko chekako, vimbulu vinambolo. Echi chakwoloka. Shikaho enu munafumisa chize chamwaka kaha kwecha kupola kumifuma, kaha kwingila muli umwe wauhya. Echi chakwoloka? “Mwomwo kachi eyi mbalaka yahamavu nayiyengunuka, etu tuli nayikwavo yilinakuvanadamina.”

122 Enu enukaneu likumbi likwavo, omu twahichile hali chize? Omwo kamba wamundende vali nakumutuka mulijimo lya naye, kaha ize mishisa yayindende kunyukuka na kutumbuka na kutwalilaho. Oloze haze vene naye mwasema kamba kamba kaha kamba kuholoka hamavu, chuma chatete, kuli mujimba waushipilitu kukwata uze mujimba wachisemwa. Pamo ndotolo kuhana echi na. . . [Ndumbu walunga Branham kuveta mavoko avo hamwe—Muka.] nge *ngachize*, mokomoko chumachimwe kuyikisa, kaha “ngee, ngee, ngee.” Kaha hazevene kupandama kulivele lya naye kukiko mwaya, “nuu, nuu, nuu,” kutambukisa mutwe wenyi nakushikumuka kulivele lya naye, kulingisa ize mishisa ya mavele kuneha mavele.

123 Ngombe wamundende, hazevene mwasemuka kufuma kuli naye, mwaya nakukatuka hamabuli eyi amandende muminyutu yayindende. Mwaya nakulinga ika? Kutambuka futanyima nakujinguluka, kupandama kuli naye, kaha kuputuka kuyikisa mutwe wenyi helu nahamavu nge *ngachize*, nakunwa mavele. Haleluya! Eyo, mwane.

124 Nge ou mujimba wanyama nawiza kuli ikiye, kuli mujimba waushipilitu uli nakuuvandamina.

125 Kaha omwo ou mujimba wanyama nauholoka hamavu, haleluya, kuli ukwavo uli nakuvandamina kuze! Etu tuli kaha nakufuma muli nakwingila muukwavo, etu tweji kwalumuna kaha muutwamo. Ou mujimba wakufwa kuvwala kuzeneka kufwa, ou washipilitu; echi kupola kuvwala kuzeneka kupola. Ou wamwaka wamikonya, wakukonyachila, mujimba wakunyukuka, oloze kaweshi kwalumukako kusoloka chawo chosena, Ngunalumbununa nge nauya muze musali, ove mukapwa na shipilitu youmwe.

126 Echa nguhane chumachimwe chachindende kwivwakana nge chakuchongonona kuli enu, oloze yinapu Mbimbiliya, jino Nanguya nakumihana chimwe chize nachiya nakupwa chakuhona kuchongonona kuli enu. Talenu echi chimwe. Omwo kashinakaji Saulu, uze—uze mwangana, uze—uze wamwaka, uze mukakunangula wamwaka wa chikungulwilo mulwola kana luze, enu munatachikiza, uze apwile namutwe navifwiji helu lyavosena, kaha apwile nawoma, vakiko kavatachikijile chuma chimwe ha Ngolo jaukalunga. Ndavichi ejile nakusokola mwana mukoko kumufumisa mukanwa ka ndumba, kujiha Ngolyate. Mutalenu ikiye. Ikiye apwile kwakusuku na Kalunga, ikiye apwile nakuhangasana ou mukakunangula wakulyalanga wakujila. Kaha kachi apwenga wakumukwafwako, kweseka kumukafwako ikiye, ikiye amwalumukilile. Kachi echi kacheshi kupwa chifwanyisa chiveneko, chifwanyisa chiveneko! Fuma kuchikiko!

127 Vangahi vapwile hano omwo Ngwayile amushipiliwami wami watete, kaha kunangula, “Ndavichi kujiha Ngolyate,” omwo Ngwayile? Vavavulu, vamwe, vaze vakulwola lwa myaka. Nguli nakufwila kuseza hano vene. Anuka chuma muka, talenu chuma chejile Chalumingo chinahichi? Chili kaha nakutambuka museteko yikwavo. Ndavichi kutangisa chenye chamuchivali, seteko yamuchivali ya mulimo wenyi. Echi chili vene chakwoloka. Chapwile, jino kwiza nakupwa mwangana hava Isalele. Tachikiza mulimo jino uli nakutambuka kufuma nakwingila museteko yayinene, kwiza nakutohwa. Mukiko alingile na Ndavichi nawa. Ngwamono omwo ikiye ejile, Ndavichi, mamalelo, omwo Kalunga apwile na Ndavichi alovekele na kujiha ndumba, talisenu, kaha kujiha mulusu, jino, kujiha va Fwilishite. Jino, kwijile lwola lumwe omwo Kalunga ahanyine shipilitu wamupi hali ou kanyike walunga wamwaka. Kaha . . . Alinge ika? Mangana ajinde Ndavichi. Kaha Ngwafwelela . . .

128 Jino, eji jitepu. Jino ivwulilenu, vandumbwami, enu muli hajitepu, kachi namukana na yami, ngukonekelenu. Talenu, Ngwamizanga. Ngulinakuya nangukumiwana kwilu kuze, talenu, mwomwo kachi ove unapu muthu wa Kalunga Nguli

nakuya nakuliwana nove kuze. Oloze, Ngwatondo kuhanjika echi, hano hakiko hali mulonga: Mwomwo kaha Saulu amwene uze Ndavichi apwile nachuma chimwe chize kapwile nachoko. Jino chuma muka chasolokele?

¹²⁹ Wamundende “wamanya,” wakulivwimba, eyi Mbimbiliya yahanjika ngocho nge mukiko apwilenga “wamanya.” Uze kapwile mwana wambwendeko, “wamanya” kusoloka nge mukweze wakulivwimba. Kaha ikiye ayile kuze, kaha Saulu, mwomwoika, ikiye amuhakile chitwa cha Saulu hali ikiye, kaha Ngunashinganyeka lukepwe lwapwile mbwe nakumahinji eyi. Kaha ikiye ambile ngwenyi, “Fumisenu evi hali yami. Ngu—Nguli . . .” Pamo ikiye amuhanyine ndingili yau ndotolo, Ph.D. mokomoko L.L.D., mokomoko chuma chimwe, munatachikiza. Omwo ikiye ambile ngwenyi, “Kangwatachikiza chuma chimwe hali evi vyuma kana, mwomwo Kangwavinjikijileko. Echa ngupwenga na echi, chuma Ngunatachikiza chuma Nguli nakulinga.” Eyo, mwane. Ikiye ambachile malekenyi.

¹³⁰ Kaha vakiko vamulingishile Ndavichi kuzaluka mwomwo ya vana vwapwevo, mauka, mauka apwile nakwimba, “Saulu, pamo kachi ajihile masauzande, oloze Ndavichi ajihlele teni sauzande.”

¹³¹ Jino ikiye mwapwa nalwiso, “Chize vene chamwaka cha Lijina lya Yesu, kacheshi chumako chakulinga na Echi.” Echi chakwoloka. Kaha chumaka Kalunga alingile kuli ikiye? Kalunga amutuminyine shipilitu wamupi hali ikiye, ajinde Ndavichi, kaha ikiye ajinjile Ndavichi chakuzeneka mulonga.

¹³² Ndavichi pamo anyengesele shingo yenyi katando kakandende. Ikiye ahashile, oloze ikiye achechele kaha chiyenga. Ikiye kahanjikile nachumako. Ikiye pamo vene achilingile. Ikiye ayile lika nakuvatula mukila chikuto chenyi, ufuku umwe, kukinduluka, ambile ngwenyi, “Tala kuno, wamono!” Eyo, mwane, ikiye pamo achilingile, oloze amusezele. Ikiye kachi ahokwele chikungulwilo chenyi nakuvamwanga, kaha nakuputuka lizavu lyaenyi kachi ikiye atondele. Oloze ikiye kachilingileko, ikiye amwechele Saulu anyenga. Echa Kalunga azungise. Eyo, mwane.

¹³³ Shikaho ikiye alovokele nakuya kaha lizavu lyaenyi lyakumine, kaha atwalileho, uze shipilitu wamupi amukwachile uze Saulu kahashile numba kukumbulula kufuma kuli Kalunga. Hanyima chindende ikiye. . . Shipilitu ya Mwata tele namufumu lyehi. Kaha Samwelele wakashinakaji, uze vakiko vachimbukile, uze vene apwile Lizu lya Kalunga kuli vakiko, uze ambile kuli vakiko shimbu kanda vakiko vazate nge kaye. . .

¹³⁴ Liuka nalitondo kuzata nge kaye? Mwomwoika Vapendekosita, vajimikile, Shipilitu Wajila kumumwene mu Mesondisiti, kaha Mbaputishiti, kaha va Pulishiteliyani kutonda kulinga nge kaye? Mwomwoika vakiko veji kuchilinganga?

Ngunahono kutachikiza. Nguna—Ngunahono kaha kwivushisa echi. Ove ngwove, “Chamwaza, echi chili chakusehesa kuhema makati, kupwa kaha chakusehesa chindende, kupwa kaha peni,” kala mwosena omwo namukavuluka. Echi chinapu shili. Ove kaweshi kuhasa kupwa navyuma kana muzuvo yove. “Mwomwoika, echi kacheshi chaukenyako mbata kaha lupasa lwawala lwalundende. Etu tukwechi vyavindende. Yami na pwevo lyami ali na musana waundende.” Kaha chuma chatete enu munatachikiza, vana venu vakwechi vyavindende. Pundu mukiko chili.

¹³⁵ Kaha enu mapwevo, huu, liyavolo nachilingi... Chize chikiko ikiye nalingi hakuputuka, kaha ikiye punduvene natungu chuma chimwe kufuma muli vandumbwove vama pwevo. Ikiye nalingi kaha chize...mwomwo ikiye natachikiza chuma ikiye nahase kulinga. Ikiye nahase kuhungumwisa mapwevo kapapa sauzande washi kuhambakana malunga. Ngunatachikiza nge nachikakukolesa kwivwa chove, oloze echi chinapu Muchano. Muze mukiko vene. Muze mukiko ikiye alingile mulitepa lya Milemba. Ikiye nahase kulingisa...Jino, ikiye apwile wakushishika, ikiye apwile wakushishika, oloze ikiye apwile wakuhungumwisa. “Alama kavamuhungumwishileko,” eyi Mbimbiliya yahanjika ngocho. Ikiye kavamuhungumwishileko, oloze ikiye apwile wakuhungumwisa. Shikaho ikiye amuhungumwishile. Kaha ohonyi mapashita valinakutwalilaho kuwavisa mapwevo kupwa vakakunangula, kuvahaka muvikungulwilo nge ngachize, kaha eyi Mbimbiliya yapaisa chize kufuma mu Kuputuka mbwe na Kusoloka. Enu ngwenu, “Chamawaza, echi chosena chakwoloka. Echi chosena chakwoloka. Vakiko vakwechi... Vakiko vanahase kunangula kaha chochimwe na chize.” Ngunatachikiza chize chakwoloka.

¹³⁶ Nge muthuumwe kuputuka kuhanjika mumalimi lwola lumwe, Ngwatwalileho kunangula, kaha omwo Ngwayile kuweluka...

Pwevo umwe ahanjikile kuli mwanami walunga, “Ngukwechi mujimbu wakuhana hamene naufuku,” ngwenyi, “omwo iso mwakeza hakamenga.”

Ambile ngwenyi, “Chamwaza, Pwevo., watwale mulihi?”

¹³⁷ Kaha uze ufuku omwo apwile wakulizanga, omwo Ngwapwile wakulizanga kusanyika ha kamenga, ikiye akashile jikambu jenyi josena kanawa kaha akokele jisokishi jenyi kaha vyuma vyosena, apwile wakulizanga, kutumbukila mumavu kaha aputukile kutumbu helu na hamavu, kuhanjika mumalimi kaha apolofwetele. Ngwatwalileho lika kunangula, kusanyika chakukamenga. Omwo Kangwachihanyine kalemesako chipwe chindende, kachapwile chakwolokako. Shikaho jino, chamwaza, eyi Mbimbiliya kayahanjika ngochoko, ambile ngwenyi,

“Uze—uze Shipilitu watupolofweto apwa wakwononoka kuli tupolofweto.” Kalunga ali lika...Kalunga kuhanjika hakamenga, echa Ikiye ahanjike. Paulu ambile ngwenyi, “Kachi chumachimwe navachisolola kuli umwe, echa ikiye aliunjike mukuunda palanga mukwavo nakumisa.” Echi chakwoloka.

¹³⁸ Jino, omwo Ngwayile kuweluka, vase vathu vambile ngwavo, lizavu lyavathu lyalinene, ngwavo, “Ove wanyengetesanga Shipilitu Wajila ufuku walelo.”

Ngwambile ngwami, “Hakulinga ika? Chuma muka Ngunalingi?”

¹³⁹ Ngwenyi, “Chamwaza, omwo uze ndumbu wapwevo ahananga mujimbu, haleluya,” ngwenyi, “chize.”

“Mwomwoika,” Ngwambile ngwami, “Ngwapwanga nakunangula. Ikiye apwanga wakufuma muchiyulo.”

¹⁴⁰ “Mamalelo,” ngwenyi, “chize chapwanga chakufuma vene Kulitanda. Chize chapwanga chuma chivene kuhambakana chize wapwanga nakulinga ove.” Hu!

¹⁴¹ Jino, chize chasololanga kaha nge. . . chize chapwile chipwe echi, kaha Ngulinakuhanjika echi kuli enu na kalemesa, chipwe mukuzaluka, mokomoko chipwe mukuzeneka kalemesa, mokomoko mukutangisa chakuzeneka shikola chize chazeneka kutachikiza numba hali Kalunga kuhambakana numba mbwanda pamo nahase kutachikiza sapato jameya amakaza. Jino, chize, Kangweshi nakuhanjika echi kupwa nge—nge kuhanjika chakuhulamisa, mwomwo chino kacheshi chihela chauseseke. Oloze echi—echi chinapu vene muchano. Muthu natachikiza nge Kalunga keshi mukakuhana chimbanganyi. Ikiye wakuunda. Eyi Mbimbiliya vakiko vahona kutachikiza. Chuma kaha vakiko vatachikiza shina kutumbuka helu na hamavu, kuhanjika mumalimi, kuhanjika, “Ngukwechi Shipilitu Wajila. Haleluya!”

¹⁴² Ngunemananga nakumona, mulitungu lya Africa, vimbanda na vyuma kuhanjika, akiko pamo faifi sauzande halolwa lumwe; kutumbuka helu na hamavu, manyinga kumeso avo kwosena, kuhanjika mumalimi, kaha kunwa manyinga mulupasa lwa chikola chamuthu; kusanyika liyavolo, kaha kuhanjika mumalimi.

¹⁴³ Kaha ohonyi kuhanjika mumalimi anapu wana wa Kalunga, oloze chize kacheshi hichinjikizo chivene cha Shipilitu Wajila. Echa ngumilweke jino. Ngwafwelela nge vakkakujila vosena vapwa vakuhwimina kuhanjika malimi. Ngwafwelela nge muthu lwola lumwe omwo nauheta hakupwa wakuhwimina na Kalunga palanga muya nakuhanjika na malimi. Ngwafwelela chize. Oloze Kangwafwelela nge kala chinjikizo kaha ove ukwechi Shipilitu Wajila. Eyo, mwane. Ngwafwelela kuli jiola omwo ove mupwa nalufwelelo, muthu, ove muya nakutambuka nakulovoka na kuhaka mavoko hali kanyike wamundende uze akwechi kansa,

nge vakakunangula fifite vanamulombelela, kaha mwaya nakupwa wakuhinduka mwomwo uze naye ali nalufwelelo hali uze mwana. Kalunga atela kumuhanalwo, ikiye napu membala wa Mujimba wa Kulishitu. Eyo, mwane. Ngwafwelela chize. Ngwamwono chize kulingika kaha Ngunatachikiza echi kupwa muchano. Oloze chuma muka echi, nachihaka liuka muchiyulo, kuhaka muchiyulo mangana tuzate.

144 Jino echa tukumise kutanga cha eyi vasi hano shimbu kanda tutwalileho.

...*hanyima yachize* enu mwatambwile, enu *mwapwile vakujika* na *Shipilitu wajila wa lushiko*.

145 “Katachikijilo!” Katachikijilo chuma Muka? Katachikijilo chuma Muka? Katachikijilo kanapu, chuma chatete chakusolwesa nge kukuma chamulimo, mulimo unakumu. Chuma chinashishiho kusolwesa chakuhetuwa. Kaha chuma chinashishiho kusolwesa kukiwiwa, kuchilama.

146 Kuhanjika, chakutalilaho, Ngwapwilenga nakuzata mu Mukwakwa wa shitima wamu Pennsylvania, Ngwapwilenga nakuzata na tata hali uze mukwakwa wa shitima. Etu twahashilenga kulongejeke jimotoka. Kaha ete natuhakamo hano muli eyi kambanyi yakulongejeke, etu twalongejekelengamo vifwoyo, kaha twahakilenga vimwe kusali *kuno* kaha vikwavo *kuno*, kaha vikwavo kusali *eyi*. Oloze shimbu kanda ize mutoka izale, uze mukakupikita mweza nakuhitamo, kaha ikiye mwavishinjika, kunyikisako *echi* chimwe, kushikisa *chize* chikwavo. “Ha! Kupaisa! Vikiko navihokojoka muvihanavihananda shimbu kanda vihete nakuze. Kupaisa! Vifumisenu. Chilingenu cheka.” Uze mukakupikita kupaisa ize motoka.

147 Ou Shipilitu Wajila napu Mukakupikita. Ikiye mwakunyisa chindende, kaha ove munyikika. “Enu mwafwelela Lizu lyosena lya Kalunga?”

“Kangwafwelela nge Lijina lya mwaka lya Yesu lyangocho.”

“Kupaisa. Ove munyikisa.”

“Kangwafwelela mu kuka cha Ukalunga mokomoko chumakana.”

“Hanga munyikika. Vifumisenumo.”

“Ove wafwelela nge Yesu Kulishitu, youmwe zau . . .?”

“Chamwaza, mujila ikwavo.”

“Ove nge munyikika. Chitambulemo, talenu, kacheshi chakulizangako.” Eyo, mwane.

148 Ndumbu walunga, nge chili chakulizanga kuhanjika, “Amena!”

“Watambula lyehi Shipilitu Wajila?”

“Amena!”

“Vyuma vyosena vinakumu?”

“Amena.” Jino chuma muka Mukakupikita mwalinga? Vyuma vyosena vanavilongejeka kanawa kaha vyakukasa, vyakuzala na Mujimbu wamwaza. Mamalelo, Lizu lyosena lya Kalunga linapu lyamwaza. Vyuma vyosena vinapu vyakukupuka. “Ngwafwelela Lizu lyosena. Amena! Amena! Amena!”

“Ove wafwelela nge Kalunga hanga oka?”

“Amena.”

“Ove wafwelela Yesu, kupwa youmwe zau na hayamyaka?”

“Amena.”

“Ove wafwelela nge Shipilitu Wajila napu wamwenemwene nge omu Apwile?”

“Amena.”

“Ove wafwelela Shipilitu youmwe aholokele hali Paulu, eji kuholokela nahali etu?”

“Amena.”

“Ove wafwelela Echi nge eji kulinga vyuma vyovimwe nahali etu, Nge omu alingile hali vakiko?”

“Amena.” Mamalelo, mamalelo, ikiye alinakupwa wakukashika chikuma jino. Wu-huu, ali nakupwa wakukashiwa chikuma jino, etu tuli vakulizanga kusoka chikolo. Chosena chakwoloka.

¹⁴⁹ Jino uze mukakupikita mwasoka chize chikolo. Chuma muka ikiye mwalinga? Ikiye mwahakaho katachikijilo kavene. Jino mwashikumuka nakukwata chuma chakufwana nge pulayisi, mwaya kuli kaze kachuma kana nakukajika. Ove kawatela kukavatulako. Kachi vakiko, ize motoka, makumishilo yach kuvanga ku Boston, kavatela kuvatula kaze kajikiloko. Nauya nakupwa mulonga waunene kuhokola kaze katachikijilo palnga yinahete ku Boston. Kaha muthu uze ali nangolo nahase kusokolola kaze katachikijilo, kaha ikiye kaha. Echi chakwoloka. Lunapu luheto lwa *munganji mukananga* kambanyi ya mukwakwa wa shitima. Echi chinapu katachikijilo kavo. Chinapu kukunyuka chavo nge ize motoka vanayilongejeka, ize motoka lili yakulizanga. Yinapu yavo. Vakiko kavahashile kuhakaho “B&O” ha “Pennsylvania.” Ove watela kupwa wakujikiwa, kaha omwo chili chakujikiwa.

¹⁵⁰ Kaha omwo Mukakulishitu napu wakulongejeka na Mujimbu wamwaza, wakuzala na kuwaha cha Kalunga, vyosena kuwaha cha vyuma vya Kalunga kupwa muli ikiye, na muchima wakusokoloka, wakulizanga kuzata, wakulizanga kupwa wakuzama muchihela, kulinga kala chuma chize Shipilitu Wajila kumulweka ikiye mwakulinga, kuhita kufuma mukufwa cha Kuyoya, kujilika kufuma vyuma vyosena vya kaye,

kutambuka mu Kumunyika nge Kumunyika kwiza kuli ikiye, kutambuka, ikiye ali wakulizanga. Jino Kalunga kujika chikolo cha kaye kuyima yaikiye, na kuchiveta hamwe nge ngachize, kaha tutachikijilo na ikiye na Shipilitu Wajila wa lushiko. Haleluya! Lwola muka? Palanga nakumakumishilo chacho. Kanda kumufumisa hanoko ha mukwakwa wa shitima na kuhokoka kusoloka kaha kumona kachi vyumavyosena kupwa vyakwoloka cheka. Echi chili chakwoloka, chiseze ukawacho. Uze Mukakupikita nakumisa lyehi kupikita. Navakamijika palanga nakumwaka uka? Palanga na kulikumbi lya kusokoka. Vanakujiki palanga nakumwaka uka.

151 “Chamwaza, omwo naufwa, jino, Ndumbu walunga Branham, ngachilihi hanyima ove kufwa, ove kuhanjika ove kupwa na Chize?” Ove uli Nacho hayamyaka. Nyi Kuyoya chaputukile ngachilihi? Ha kamenga. Haze vene ove kumona muvwimbimbi waundende. Uze muvwimbimbi, kaze Katachikijilo ka Shipilitu Wajila. Jino echi chili muvwimbimbi wa miwimbimbi wa miwimbimbi, nge Ngwahanjikile likumbi likwavo. Oloze omwo enu namufwa, ove twalilaho kuhita muli vize mumiwimbimbi palanga ove kwiza ku chikekeshi, kufuma mukekeshi kukaselwoke wamundende kuvweluka, kufuma mukaselwoke kulilolwa, kufuma kulilolwa nakwilingila mulwiji, kufuma mukalwiji na kukalungalwiji, talenu, zangi ya Kalunga. Ove unapu muthu youmwe.

152 Tala hano. Saulu Wakashinakaji, wakulimbuka, ikiye nahasekeshi kuhita kuli Kalunga, ohonyi ikiye apwenga wakujimbala. Ikiye punduvene keshiko. Ikiye apwile kapolofweto, oloze ikiye apwile kaha kuweluka wa Kalunga. Uze ukiko mulonga, vandumbwetu, Ngwambile ngwami, “Ove kaweshi wakujimbalako.” Shikaho jino anuka, ikiye kupwa kaha wakulovoka mu punga ya Kalunga, shikaho jino chuma chatete enu kutachikiza, ikiye—ikiye keshi kuhsa kwitavilako. Jino, pamo kachi Ngwahanjikanga ngachize. Chosena chakwoloka, Nguli kaha nakuya nakupwa na chikungulwilo chakuwahilila ufukuuno. Shikaho jino, munatachikiza, kaha chuma chatete muntachikiza, mamaah, yami, jino. . . Ikiye ayile ku—ku Ulime Tumime.

153 Munatachikiza Ulime Tumime yapwile ika, yapwile chipwiko, chipwiko, lize lifwote lize—lize avwalile Alone. Kaha chapwilenga lwola lwosena, Kalunga napunga Kalunga wakulitulaho kukumbulula mu jijila jakulitulaho. Kaha omwo kapolofweto apolofwetele, kaha chize kumunyika nachihona kwiza nakuhita haze ha Ulime Tumime, kaha ikiye apwile wakuhenga. Omwo mukakulota mwambulula chilota kaha kuvwakuma chauchi hali uze Ulime Tumime, Kangwalizakaminako chipwe nachivwakana kuwaha ngachilihi, chize chapwile chakuhenga. Echi chakwoloka.

154 Kaha Kangwalizakaminako jindingili jaundotolo jingahi ove ukwechi kaha lizavu lyove lyalinene ngachilihi, omwo ove mupolofweta mokomoko kunangula, nge kacheshi nakutesa na Lizu ko, ove unapu wakuhenga, ndumbu walunga. Ove unapu . . . Eli linapu Ulime Tumime wa Kalunga. Omwo ove muhanjika nge kawapwile wakutongoloka shimbu kanda kwala chihela cha kaye, ikiye keshi kuvwakumako, mwomwo eyi Mbimbiliya yahanjika nge wapwilenga. Omwo ove muhanjika nge ove vatela kukujimika mu lijina lya “Tata, Mwana, Shipilitu Wajila,” kacheshi kuhasa kuvwakumako, mwomwo kakweshi numba umwe mu Mbimbiliya apwile wakuujimika muli ize jila. Shina kaha mu Lijina lya Mwata Yesu. Kacheshi kuvwakumako, shikaho kuli chuma chimwe chakuhenga kumwe.

155 Shikaho uze Ulime Tumime kaweshi kuhasa kukumbulula kashinakaji Saulu ko, kaha ikiye keshi kuhasa kupwa na chilotako. Ikiye apwile tele nayi lyehi ikiye kapwile numba na chilotako. Shikaho munatachikiza chuma ikiye alingile? Ikiye ayile kuli muloji, kaha uze muloji wkashinakaji, uze kashinakaji ka liyavolo kzue, chimba. Kaha ikiye ambile ngwenyi, “Ove ngutahise?”

156 Ikiye ambile ngwenyi, “Eyo, oloze Saulu ngwenyi ikiye mwaya nakujihika kala muthu mukakutahisa.”

157 Ikiye ambile ngwenyi, “Nanguya nakukukinga,” avwalile nge katumwa. Ikiye ambile ngwenyi, “Ngutahise kaha ngunehele kufuma mukaye kavafu uze afwile lyehi hano.” Jino ivwulilenu kuli echi. “Ngunehele shipilitu ya kapolofweto Samwele.”

158 Kaha ayile kuli mukakutahisa na—na kutahisa. Kaha, omwo ikiye alingile, ikiye aholokele chameso hamavu, ikiye ambile ngwenyi, “Ngunamono tulunga kwiza nakukanduka.” Talenu, ikiye wakuzeneka kutachikiza kalunga, “tulunga,” vavali mokomoko vatatu vavo, nge Tata, Mwana, Shipilitu Wajila, mokomoko chuka chimwe nge ngachize, munatachikiza. Ikiye ambile ngwenyi—ikiye ambile ngwenyi, “Ngunamono tulunga kwiza nakukanduka.”

159 Ambile ngwenyi, “Mujimbule. Ali nakusoloka ngachilihi? Ali nakusoloka nge ngachilihi?”

160 Ambile ngwenyi, “Ikiye ali wamundende kaha ikiye akwechi chikuto hachifwiji chenye.” Ikiye kalumbukileko chipwe chindende.

161 Ikiye ambile ngwenyi, “Ikiye vene Samwele. Munehe muno mukapete, munehe kumeso ami.”

162 Kaha talenu omwo Samwele ejile kuli Saulu, ikiye ambile ngwenyi, “Mwomwoika unangusanyikila, hamono ove unapu lyehi mukakole wa Kalunga?” Kaha tala. Keshi nge apwile lika Samwele likako, ikiye ahanga apwila lika na shipilitu yakupolofweta. Kujanjika nge chili chakuhenga, echa kala muthu ahanjike nge chili chakuhenga. Echi chinapu Muchano!

Ikiye ahanga apwile lika kapolofweto. Mwomwo ikiye ambile ngwenyi, ikiye apolofwetele kaha ambile ngwenyi, “Ize jita ili nakuya nakukwalumukila ove hamene, kaha enu na vana vove muli nakuya nakuholoka muli ize jita hamene, kaha halwola nge luno hamene naufuku naukaya nakupwa hamwe nayami.” Echi chakwoloka? Ikiye apwile lika kapolofweto!

Jino ove muhanjika, “Mamalelo, oloze uze apwile muloji kulinga ngachize.”

163 Chosena chakwoloka, Nanguya nakumilweka Umwe uze kapwile mulojiko. Yesu ambachile Petulu, Yakova, na Yowano, kaha vayile Kupili Yakwalumuka lwola lumwe, kaha apwile nemana helu lya pili. Kaha, Yesu, Kalunga apwile nakuswanyisa Mwa Nyeni; nge omu nguli nakweseka echi. . . ngwapwanga nacho ufuku ukwavo, kuswanyisa mwana walunga. Kaha omwo vakiko valingile, vakiko vataliletalile kaha kuwana kuze kwemanyine Mose na Elija. Vapwile nakuhanjika, kushimutwila. Keshi nakandembele kakandende katoma pekupeku, mokomoko kalivwi kakandende katoma, mokomoko, kuhungumuka nakujinguluka. Oloze vakiko vapwile malunga, kuhanjika. Mose tele vamufunda lyehi muchimbumbwe chakuhona kutachikiza mwahichile myaka eyiti handulendi. Kaha Elija ayile Kwimbo mulitemba, mummyaka faifi handulendi. Kaha haze vosena vapwile kuze, hanga vali vavatonyi nge omu vapwilenga vavatonyi, kwimana kuze nakuhanjika kuli Ikiye shimbu kanda Ikiye ayenga Kukavali. Haleluya! “Wakujika palanga nakulikumbi lya kusokoka!”

164 Nanguya nakuzangula, kaha jino natuya nakusoka mwomwo kunatoko lyehi, kaha etu natuya nakulombelela vakakuviza, pamo ha minyutu yitanu mokomoko kuhakilako. vasi 14, kutanga, echa ngutange ha 13 nakulutwe, munawaneho, kuchikuku.

Muli ikiye nayenu nawa. . . omu mwevwile, aze mazu amuchano, akiko mujimbu wamwaza wakumilwila: . . .

165 Jino anuka, ulwilo muka vakiko vevwile? Vakiko vapwilenga—vakiko vapwilenga Vakakulishitu Vakaefwesu. Vakiko, jino tala, mwavatalishile kanawa Vakakolinde? Ikiye lwola lwosena apwilenga nakuvalweka, “Omwo Ngwejile mukachi kenu, umwe nalilimi, mukwavo nalilimi, mukwavo namwaso, umwe naupolofweto, umwe ali na. . .” Talenu, ikiye kahashile kuanangula vakikoko, mwomwo vakiko vapwile lwola lwosena kufwila *echi*, *chize* mokomoko *chikwavo*. Ava vathu vapwile nachuma chochimwe, oloze vakiko vapwilenacho muchiyulo. Ikiye kanda lyehi anangule Vakakolinde chuma cheka nge echi, ikiye kahashileko, liuka kalyapwile muchiyuloko mangana valiyuleko. Jino, ikiye ahashile kunangula vathu kupwa chuma chivene.

...chize, *wakumilwila chenu: muli ikiye enu... hakufwelela nawa, enu vamihakilemo katachikijilo ivene Shipilitu wajila ou vashikile,*

Ikiye napu chinjikijilo... (Mamalelo, echa nguhone kuhita echi)... chinjikijilo cha uswana wetu kutwala... nahakusokola luheto elu nahete, mangana valishilengaho upahu wenyi.

Hee!

¹⁶⁶ Shipilitu Wajila chuma Muka? Jino, kaha jino Nanguya nakutanga vyosena washiwashi kachi namutataminako. Etu twapwanga halihi ufuku ukwavo, Ndumbu walunga Mike? Haze vosena vapwanga vakuwahilila, mamalelo, vyuma vyosena vyapwanga mukuunda, ize ikiko zangi yakukupuka. Jino, lwola lwosena enu namwiza muli *eyi* jila enu namushikumuka chindende, kushikumuka. Lwola lwosena namupwa natambo, enu muli nakwiza nakupandandama chindende. Omwo namwiza nakuheta hamavu, enu nampwa na muvwimbimbi wa muvwimbimbi wa muvwimbimbi wa miwimbimbi. Jino, chize chikiko Shipilitu Wajila nahase kumimbata enu. Ize ikiko zangi. Oloze, mamalelo, enu muli nakwivwa lipwila lya chumachimwe.

¹⁶⁷ Mamalelo, kumana vathu kaveshi kuzanga chamwaka, vathu vamwaka... Omwo nanguzanga kachi kukinduluka cheka ku myaka ya fifiteni cheka, twende! Mamalelo, Nanguhana kala chuma. Chuma muka chamwaza nachingulinga? Ngunahase kupwa na fifiteni kaha kufwa ufukuuno. Echi hichuma chakuhona kutachikiza. Ngachilihi nge wapwanga na myaka fifiteni ufukuuno, nauya nakutachikiza ngachilihi nge mama mwaya nakuyoya, lwola muya kwimbo, mokomoko chiku? Nautachikiza ngachilihi nge muya kwimbo? Nauya nakutachikiza ngachilihi nge ove muya nakuyoya hamene kachi ove uli na myaka twolufu yakusemuka, kulikakungula chakukupuka? Ove pamo vanahase kukujiha muponde, kuholoka wakufwa, kala chinahase kusoloka kuli ove. Kwijiva chiku, talenu. Kuli chumachimwe hano chakuhona kutachikiza. Oloze wachifwila kupwa nacho. Chuma muka echi? Echi Chize chili helu Chize chili nakukulingisa ove kufwila chize.

¹⁶⁸ Jino, ove tambuka muli Echi, jino ove muya nakupwa na Kuyoya cha Hayamyaka. Jino chumamuka nachisoloka? Echi kanapu "katachikijilo."

¹⁶⁹ Nyi katachikijilo kamali kaka hakala chuma? Kachi Nguneza kuli ove na kulanda motoka, Nanguhanjika, "Chingahi eyi motoka?"

¹⁷⁰ Ove ngwove, "Eyi motoka, Ndumbu walunga Branham, nayifwika ndando ya seli sauzande ya mandola."

"Kufwetako chingahi?"

“Chamwaza, Nanguya nakukuhanayo ha faifi handulendi ya mandola.”

171 “Chosena chakwoloka, faifi handulendi yamandola eyi. Naguya—Nanguya nakuneha yosena lwola lukwavo, linwaha nge Ngunahase. Ove lama eyi motoka.” Nanguya nakukuhana faifi handulendi ya mandola, eyi yinapu katachikijilo. Echi chakawoloka?

172 Jino, kwachilila chize, echi chinapu “katachikijilo,” echi chili nge “mwivwu.”

. . . hanyima enu *yakupwa na katachikijilo* ka eyi. . .
Shipilitu wa lushiko, eyi. . . *Shipilitu wa lushiko*, . . .
 hanyima enu *mwapwile vakujika* . . .

Eyi yinapu . . .

Chuma muka? Katachikijilo ka lushiko chuma Muka, ikiko Shipilitu Wajila wa lushiko?

Ikiye napu chinjikijilo chauswana wetu kutwala . . .
nahakusokola luheto elu nahete, . . .

173 Chuma muka echi? Unapu mwivwu. Kaha, ndumbu walunga, mamalelo, mamalelo, mamalelo, mamalelo, mamalelo, vakakunangula! Kachi ou unapu mwivwu, naukaya nakupwa chuma muka omwo etu vosena natukaya kuze! Nachikaya nakupwa ngachilihi? Kachi echi chili. . . Kachi echi chili chuma etu tulu nakuwahilila nacho jino, kaha kupwa vakuwahilila palanga. . . Ngunamono malunga va myaka nayite kwiza kaha. . .

174 Ngwamona lyehi mukakunangula wakashinakaji akatukile ufuku umwe. Ikiye ejile nakulovoka, ikiye ambile ngwenyi. . . Nge *ngana*, kwiza nakukamenga. Kaha Ngwambile ngwami, “Uze kashinakaji kuya nakunangula?”

175 Ikiye ambile ngwenyi, “Chamwaza, vamukisule Mwata.” Apwile kashinakaji wamulatu, wamunene mukakunangula nachikuto chamwaka navwale.

176 Ngwambile ngwami, “Mwomwoika vakiko vahonanga kwecha vakakunangula va chikweze kunangula? Uze kashinakaji, mwanangula ngachilihi?”

177 Ikiye ambile ngwenyi, “Chamwaza,” ikiye ambile ngwenyi, “vandumbwami,” ikiye ambile ngwenyi, “lelo Ngunapunga nakwivwulila vandumbu vamaunga kunangula likumbi lyosena,” ikiye ambile ngwenyi, “hachuma Yesu nalingi hamavu. Nguli nakuya nakumilweka chuma Ikiye nalingi Mwilu.” Ikiye ambile ngwenyi, “Nanguya nakumbata kutanga chami kufuma mu Yopa 7:27,” ambile ngwenyi, “omwo kwapwile kunyima okwo shimbu kanda kwala chikuku chakaye,” ambile ngwenyi, “omwo Ikiye ambile ngwenyi vatanganyika va chimene vembile hamwe kaha vana va Kalunga kuwahilila nakatambakana.” Kuputuka vene ngachize. Ambile ngwenyi, “Mwatachikiza

echi, kuze kwayile chuma chimwe kuze kunyima.” Ikiye ambile ngwenyi, “Munatachikiza...” Kaha ikiye aputukile kuneha vyalingikile Mwilu. Ikiye avinehele nakushikumuka nge kongolo Mukwiza cha muchivali. Ha lwola kana luze, Shipilitu Wajila kumukwata. Jino, vakiko vamatwaminyinenga uze kashinakaji nakulovoka, ikiye apwile pamo wa myaka yakusemuka nayite faifi. Ikiye ali kaha nge *ngachize*, wakulifumba chikupu, kaha natujikambu twatundende twajinguluka, munatachikiza, nge *ngachize*. Omu ayile kze aputukile kunangula, ambile ngwenyi, “Hooohoo! Haleluya! Upahu!” Atumbukile helu nahamavu nge *ngachize*. Ambile ngwenyi, “Mamalelo, enu kamweshi nakapete kakutamo muno kakunangwila yamiko.” Kaha afumineko, nakushikumuka mumavu nge *ngachize*, washiwashi nge omu ahashile kuya. Kaha kaze kanapu katachinjikijilo. Mamalelo!

¹⁷⁸ Nyi Shipilitu Wajila eji kulinganga ika? Mamalelo, hano hakiko hali chihela chamwaza, echa ngutange vasi yatete ya kapetulu wakushisaho. Nguchilinge Tah? Echi chosena chakwoloka? Hanjikenu, “Amena.” [Chikungulwilo ngwacho, “Amena!”—Muka.] Chosena chakwoloka, vasi 1 ya kapetulu 2, washiwashi. Ivwulilenu:

Enu, mwapwile...enu...*Kaha nayenu nawa amiyoyesele, omu umwe...mwapwilenga muvafu muvilinga vyenu vyakuhingika na milonga ya shili:*

¹⁷⁹ “Enu Ikiye namiyoyesa.” Nyi *kuyoyesa* chalumbunuka ika? “Kumilingisa kupwa vakuyoya.” Kupwa kaha vakuya, oloze Ikiye amiyoyesele namali akatachikijilo. Nachiya nakupwa *ngachilihi* omwo enu—omwo enu mikuli yosena navakayifweta? Mamalelo! Shikangaho Paulu, vamatwalile mulilu yamuchitatu, ambile ngwenyi, “Liso kalyamweneko; litwitwi kalyavwileko; chipwe kwingila mulikiko, kwingila mumuchima wamuthu, chuma kana Kalunga alinacho hali vakiko (muchisete) hali vase vamuza Ikiye.” Nachikaya nakupwa ika! Enu hanjikenu ha kuwahilila namuhona kuhanjika na kuzalilila cha upahu! Hee! Huu! Enu lwola lumwe mwapwile vakufwa mu shili na mukuzombojoka jishimbi Ikiye namiyoyesa hamwe ha muvwimbimbi wa muvwimbimbi wa miwimbimbi. Nachikaya nakupwa *ngachilihi* omwo enu namukaya nakwiza kumuwimbimbi wa miwimbimbi kwingila muvwimbimbi, muvwimbimbi jino kwingila mu mwana kalwiji, mwana kalwiji kwingila mukalwiji, kalwiji kwingila mukalungalwiji?

¹⁸⁰ Kaha chuma muka echi omwo enu napu muvauchiko muze mukusokoka, na mujimba wauhya, munakinduluka cheka kunyima kuukweze hamwe cheka, mokomoko mukweze wa pwevo, enu kamweshi kafwa chekako? Kaha enu namukatala hamavu, kaha kushinganyeka, “Ngunahase kuya jipawa na meya atuta, oloze, munatachikiza, Kangweshi kuvitonda kunoko. Oloze likumbi limwe Yesu ali nakwiza, kaha uze mujimba waungelo, ou washipilitu ou Nguli nakuyoyelamo...” Kaweshi

kaya nakuhita cheka kuhichila mulijimo lya pwevo chekako, kaweshi kaya nakuhita kuhichila mukufwila chakuliwana muusundako; oloze mwomwo Ikiye apwile wakusemuka chakuzeneka kufwila chausunda, Nangukaya nakupwa wakusanguka chakuuzeneka, kaha Ikiye mwakaya nakuhanjika likumbi limwe kaha vafu muli Kulishitu navakasanguka, kaha uze mujimba uze Ngwayoyelemo naukaya nakusanguka kwingila mumujimba waupahu, kaha Nangukatambuka na Ngukaya nakuhanjika, kaha Nanguya kaya nakuyoya kaha Nangukaya nakuwahilila (haleluya), Nangukaya nakuyoya nakuhita muvisemunuino vize vya Hayamyaka navikeza, kuhichila muli Yesu Kulishitu Mwata wetu. Hee! Yenu haze jino, ndumbu walunga, ou ukiko Mujimbu wamwaza!

¹⁸¹ “Shikangaho Nangupwa nawa,” Paulu ali kaha nakwambulula jino chuma muka ikiye ali. Nanguya nakutanga evi kaha natuya nakulombelela vakakuviza. “Palanga luheo, aka kakiko katachikijilo palanga luheo, mukwalisa cha upahu Wenyi.”

Shikaho nayami nawa, mwomwo ngunevu lyehi kufwelela chenu (Ngunevu nge enu munafwelela evi, Ngwevwile nge enu munafwelela mu kutongola, Kuyoya cha Hayamyaka, kaha ulwilo na vyangocho) *muli Mwata Yesu ocho chili muli enu, na zangi yenu mweji kuvazanganga . . . vakakujila vosena,*

Shikaho kangwalitwamina kusakwilila hali enu nakumivuluka kukulomba chamiko;

Mangana ngwami Kalunga ka Mwata Yesu Kulishitu, ikiye Ise ya upahu nawa, amihane shipilitu ya mangana yakusolola . . . vyakusweka ha chinyingi chakumutachikiza: Kupwa kaha nakulisolola Lyavene kuli enu vosena lwola lwosena, kukula kufuma mu likoji nakutwala mu likoji, kufuma mu ngolo nakutwala mu ngolo, upahu nakutwala mu upahu. Keshi kuholoka kunyimako; kaha, oloze kufuma mu upahu nakutwala mu upahu, kutwalilaho lika. Nangutwalilaho kumilombelela.

Mangana liso—mangana Meso amichima yenu . . .

¹⁸² Huu! Enu munatachikiza, mu Mbimbiliya yahanjika kuli enu nge vali tupuputa kaha vanahono kutachikiza. Oloze hano Paulu ambile ngwenyi, “Nguli nakuya nakulomba nge meso amichima yenu . . .” Enu munevwushisa na muchima. Echi chikiko ikiye alinakuhanjikaho. Enu mweji kutala na meso enu, oloze mweji kumona na muchima. Munatachikiza echi. Chosena chakwoloka. “Nge Kalunga wa Upahu . . .” Echa tumone, ha—ha vasi 18.

Mangana meso amichima yenu hakutona; numba mutachikize mwaya kutalilila echi chakusanyika

chenyi, nomu lwapwa luheto lwa... upahu wauswana muli vakakujila,

Nomu chambwambumuka kuvula cha ngolo jenyi kuli etu... (hee! Vakiko kuhanjika ngolo jinanyi? Eji ngolo kanda jizenga)... kuli etu tweji kufwelelanga, nge kutesa na kuzata kana chatwima jenyi, (Enu munafwelela mukuzata chatwima ya ngolo Jenyi, Ngunalombo nge Kalunga mwaya kaha nakuhingununa ngolo Jenyi hali enu. Talenu?)

Jize azachile muli Kulishitu, hakumusangula kumufumisa—kumufumisa kuvafu, nakumutwamisa kulivoko lyenyi lyachilyo... mumelu,

Helu kuhambakana chikuma... mawangana osena, ... nakuyula chosena... nangolo josena, ... namawata osena, na aze majina osena vanavuluka, ...

183 Mamalelo, mamalelo, mamalelo! Mwomwo—... Nduma, Kangwatela keshiko. Etu tunahase kupwa wakukunyuka kupwa nakanoka ufuku hali echi.

...majina osena vavuluka, keshi hamyaka yino kahako, oloze na muze mukaye kali nakwiza:

184 Chuma chosena—chuma majina osena? Kala lijina lya kala muthu mwakaya nakupwa na Lijina lyaka? [Chikungulwilo ngwacho, “Yesu.”—Muka.] Awa Melu osena vavavuluka hali Yesu. Liuka lyosena valivuluka hali Yesu. Vyuma vyosena vavivuluka hali Yesu, Mwomwo Linapu kaha lijina lize Kalunga atwama nalyo. Ikiye vamuvuluka kupwa Yehova: Yehova yile, Mulambu wakuhana kuli Mwata; Yehova lafwa, Mwata ikiye mukaku kuka; Yehova, Mwata ikiye lipandelo, Manase; kaha Yehova, va Yehova vakuhandunuka handunuka. Ikiye vamuvuluka kupwa Litota lya Chimene. Ikiye vamuvuluka kupwa Tata, Ikiye vamuvuluka kupwa Mwana, Ikiye vamuvuluka kupwa Shipilitu Wajila. Ikiye vamuvuluka kupwa Alafwa, Ikiye vamuvuluka kupwa Omenga. Ikiye vamuvuluka kupwa Kuputuka, Ikiye vamuvuluka kupwa Makumishilo. Ikiye vamuvuluka kupwa Mutango. Mamalelo, Ikiye vamuvuluka... Ikiye vamuvuluka kaha na kala mitwe, oloze Ikiye apwile na Lijina.

185 Echi chikiko Mawetu apwile nakuhanjikaho, omwo Ikiye ambile ngwenyi, “Yenunga jino na kunangula mafuchi osena, kuvajimika mu Lijina,” keshi majinako, “mu Lijina lya Tata, Mwana, na Shipilitu Wajila.” Tata keshi lijinako, Mwana keshi lijinako, Shipilitu Wajila keshi lijinako. Anapu mutwe wa Lijina. Shina Lijina lya eyi mitwe yapwa ya Kalunga umwe. Lijina Lyenyi lyapwilenga Lika? Uze kangelo ambile ngwenyi, “Ove naukavuluka Lijina Lyenyi...” [Chikungulwilo ngwacho, “Yesu.”—Muka.] “mwomwo Ikiye mwakalwila vathu Jenyi kuvafumisa mu shili javo.” Ou ukiko mulonga vakiko

vosena vajimikilenga mujila ya Mbimbiliya. Muze mukiko Mukakujila Augustine ajimikile Mwangana wa England, pamo—pamo mu myaka handulendi na fifite, tu handulendi hanyima ya kufwa cha Kulishitu, mu Lijina Iya Yesu Kulishitu. Chosena chakwoloka.

Helu kuhambakana chikuma . . . mawangana osena, . . . nakuyula chosena, . . . nangolo josena, . . . namawata osena, nge—nge majina osena aze vavuluka, keshi hamyaka yino kahako, oloze naku myaka nayikezaho:

Kaha ahaka vyuma vyosena vavihakile mwishi ya mahinji eyi, amuhana ikiye kupwa mutwe wakulitulaho ha vyuma vyosena kuliuka,

Ou unapu mujimba wenyi, . . .

¹⁸⁶ Jino, kachi mujimba wami uli nangolo ha vyuma vimwe, jino chuma nachipwa mujimba kaha mukiko Ngwapwa yami. Echi chakwoloka? Mukiko Ngwapwa yami, muze mukiko mwangutachikijila yami kupwa. Echi chakwoloka? Chwamwaza, jino, vyosena vize vyapwile Kalunga, Ikiye ahingunuine muli Yesu, mwomwo kuzalilila cha mutwe wa Kalunga mumjimba. Echi chakwoloka? Kaha vyosena vize Yesu apwilenga navyo, Ikiye avihunginuine mu Liuka, “Vyuma kana evi Ngweji kulinganga, naenu nawa namukaya nakuvilinganga nawa. Kuhambakana na evi enu namukaya nakuvilinganga, mwomwo Nguli nakuya kuli Tata.”

Likiko vene linapu mujimba wenyi, likiko vene kuzala chaou eji kuzachisanga vyuma vyosena mwosena.

¹⁸⁷ Mamalelo, omu Ngwazanga chize! Omu Ngwazanga chize! Ngwapwile nakutanga likumbi likwavo ha mukanda uze vasonekele ha mushipili Ngwayile nakuzata—kuzata mulitungu Iya Africa. Kanda Iyehi nguutange Iyehi. Vangahi vutangaho Iyehi, *Kaplofweto Kutambukila litungu Iya Africa?* Muli uze mukiko Ngwapwile nakutala hali kanyike walunga wamundende ka Indian. Vangahi vamona Iyehi chize chifwanyisa?

¹⁸⁸ Ngwevwile mukakwambulula mujimbu wamwaza umwe, napunga nakulombelela vakakuviza mu myaka fifiteni mokomoko kuhakilaho, ikiye ambile ngwenyi, “Ngunamono chimweno kuzachiwa mu chiyoyelo chami.” Ikiye ambile ngwenyi, “Ngunamono vathu vaze vahanjikile nge vakiko vapwile nakukola mitwe, vapwilenga kanawa. Ngunamono vathu kuhanjika nge vakiko kukola chinanyi, kaha vali kanawa, shikaho navyangocho. Oloze chikomwesa, chumachimwe chize vatengele nakuchitunga chumachimwe . . .”

¹⁸⁹ Ngwashingtonyekele uze kanyike walunga atela kupwa kanyike walunga ngwatela kwimana kuze nakutala. Uze kanyike wa ka Indian lihinji Iyenyi Iyapwile kaha pamo *nge* kutohwa

nakujinguluka, umwe wavo. Mukwavo nawa apwile nalihinji lyape nge lihinji lya muthu. Kaha, kachi enu namutalisa, tulo yenyi, kuze kakwapwile sapatoko pamo fwoteni inchesa mokomoko fifteni inchese helu, nge ngachize. Ikiye apwile na chipwiko cha fwelu kwishi yacho. Sapato yenyi yapwile helu jivali jajisuku jakwimana. Ikiye atambukile helu kuze Ngwapwile ngunemana, vakiko vamunehele kuze. Ikiye apwile namikombo yakwendela ivali. Ikiye ambachile ize sapato yayinene yafwelu nakujika hamavu nge ngana. Ngwatalile halihinji lyaenyi, lyapwile pamo nge kutohwa nakujinguluka.

¹⁹⁰ Jino, vaze vathu vapwa va Mohammedan, Mohammendans. Munahase kwanuka Chalumingo chinahichi omwo Ngwamitangilile enu nge mapapilo anahete? Nguwakwechi vene hano amilyavene, kufuma kulitungu lya Africa, vangutuminyine hakukinduluka chetu muumishonali, Ndumbu walunga Stricker. Kuze kwapwile kusoneka omu Billy Graham achifukishile. Mukikovene. Vakiko vechele va Mohammendan kuvashinjejekela mu kalungalwiji. Ukalu uli halihi? Vaze va mishonali vali nakuseza muwande. Mulonga uka wakatwalilaho kutwama nakushimbula? Vakiko vanavete kaha.

¹⁹¹ Ngwamuzanga Billy Graham, kaha kushinganyeka ikiye kupwa muthu wamwaza wa Kalunga. Oloze Billy Graham vatela kumusopesa nachuma chimwe, kuhanjika, “Vandamina munyutu kaha...” kaci vamwe va ava va Mbaputishiti vakukakama jishingo vamwechele ikiye achilinge, Ngwafwelela ikiye kachi mwachilinga. Ngwafwelela Billy Graham muthu wa Kalunga. Oloze kachi ikiye nahanjika, “Vandamina munyutu kaha! Yami ngumukakuzata wa mu Mujimbu wamwaza. Ove wafwelela mu Tesitamende Yamwaka, kaha ove ngwove uze Yesu kapwile chumako shina muthu kaha. Ngulinakumihamwisa hali echi kuhanjika.” Kangwafwelela mukuhanjika hakuhamwisa cha liyavolo, numba mwane, oloze kachi Ngunamuhamwisa ikiye vene, kaha ambile ngwenyi, “Echa enu na Yami twizenga hamwe. Yami ngu Ndotolo wa Kutahisa,” Billy Graham napu Ndotolo wa Kutahisa, “echa nguhamwise hali echi, kaha echa yami kwinjikiza kuli enu nge Yesu apwile Kulishitu. Jino, omwo natwiza kukuka cha Ukalunga, Kangweshi nakuheta awa mawanako, oloze etu tukwechi vandumbu vamwe vamaalunga kulinga ngachize. Jino, kachi enu mwatondo kuvaneha ava vathu nakuvalovolamo, echa ngusanyikeko vamwe, Oral Roberts mokomoko muthuumwe, muthuumwe uze kakwechi mulimo waunene unahase kuya kuze.” Twaya kuno, kaha jino umone chika nachisoloka, kuhanjika, “Ukulishitu keshi nge omu uli nakushinganyekako kupwa.”

¹⁹² Jino kala muthu kwivwa wakushikumuka mwomwo ikiye atambukile nakuya nakumuseza. Mukikovene, jino, Kangwafwelela muli liyavolo kuhana kuhamwisa. Ngwamufwijila kumeso eyi nge ngachize, kaha kutambuka

nakuya kufuma kuli ikiye. Echi chakwoloka. Oloze omwo nachiza kuchiela kuze... Billy kachi nahase—kachi nahase kulingisa Mohammedan kwiva nge mwila waundende nge *chize*. Ikiye kachi ambachile Mbimbiliya na kumbata Isaya 9:6, kaha ambile, “Hiya apwile ikiye nakuhanjika hali echi, ‘Kulietu kunasemuka Mwana, kuli etu vanatuhane Mwana?’ Hiya apwile Muthu? Hiya apwile Uze ikiye apwile nakuhanjika hali echi? Hiya apwile Kapolofweto? Hiya apwile ou Meshiya uze apwile nakwiza? Ngulwekenu kuze Ikiye kulisolola Lyavene mu Mohammed. ‘Ikiye vamulemekele ha milonga yetu ya shili, va muchikile ha upapwoke wetu, kuzangamisa cha kuunda hali Ikiye, na mikiko Yenji etu twahindikila.’ Ngusolwese echi kuli yami mu Mohammed. Ikiye atambakanyine Ngachilihi, ‘Kalunga Kami, Kalunga Kami, mwomwoika Ove unangusela Yami? Vakiko vamutuvile mumavoko Ami na mahinji Ami,’ na vyangocho? Ngulwekenu na mazu enu enu vavene, unjiho wenuenu vavene.” Mwomwoika, ikiye kachi avetele uze Mohammed chikuma palanga ikiye kachi atachikijile kulihii ikiye apwile. Echi chakwoloka.

¹⁹³ Oloze omwo lipapilo lyatela kujinguluka, chize chikiko chili nakukolesa, chumamuka chalingishile muchima wami kutumbuka. Omwo yahanjikile kuze, “Kuhichila muli Billy atela kushinjika, omu Mohammendans kuhanjika nge chapwile chakuhenga,” ambile ngwenyi, “omwo Rev. William Branham ku Durban, South Africa, ha chikomwesa chakuzeneka jipami hanyima yachikomwesa, Ngolo jaukalunga, omwo teni sauzande ya Mohammendans kuholoka chameso halwola lumwe kaha kuhana chiyoyelo chavo kuli Yesu Kulishitu.” Mukiko vene. Vakiko vatachikijile chize. Vakiko vapwile vikuku kutachikiza hali echi. Kanda kungulweka yami.

¹⁹⁴ Lwola lumwe kuze kwapwilenga umwe kwiza kuli Yesu, ambile ngwenyi, “Lapi!” Enu munatachikiza nge apwile ka Fwalisewu. Ambile ngwenyi, “Etu tunatachikiza Ove unapu Mulongeshi neza kufuma kuli Kalunga. Etu tunatachikiza echi. Etu tunatachikiza echi, mwomwo kakweshi muthu nahase kulinga vyuma evi Ove uli nakulinga kuvangila Kalunga ali na ove. Etu tunevwushisa. Etu tunatachikiza echi. Oloze etu katweshi kaha kuhasa kwitavila echi, talenu, mwomwo kachi etu natulinga, chamwaza, etu natuya kulovoka muliuka lyetu. Talenu, etu natuya nakujimbalisa uhandu.” Kaha shikaho Yesu ambile ngwenyi, aputukile kumulweka ikiye nge atela kusemuka chachihya.

¹⁹⁵ Hali chize kanyike walunga wa Mohammedan, omwo ikiye apwile nemana haze, kuze kuli chifwanyisa chenye. Lize likina lyakukopa kalyeshi kukopa makuliko. Kuze ikiye nemana, lihinji lyalihi chikuma (pamo fwoteni inchesi) kuhambakana likwavo, kwimana haze ha sapato ya fwelu. Ahanjikile kuli ikiye, Ngwambile ngwami, “Ove weji hanjika Ingilishi?”

196 “Nduma, mwane.” Keshi kuhasa kuhanjika Ingilishiko. Uze mukakulumbununa ambile ngwenyi, “Ikiye kahanjika Ingilishiko.”

“Myaka yingahi ove unapunga ngachize?” Uze mukulumbununa amuhulile.

“Kufuma kukusemuka.”

“Unahase kutambukisa lihinji?”

“Nduma, mwane.”

“Ove wafwelela muli Yesu Kulishitu?”

Ambile ngwenyi, “Ngwapwa ngu Mohammendan.”

Ngwambile ngwami, “Nauya nakumutambula Yesu Kulishitu kachi Ikiye mwaya kukulingisa ove kupwa kanawa?”

197 “Nanguya nakumwitavila Yesu Kulishitu kupwa Mulwilo wami kachi Ikiye mwangulingisa kupwa kanawa.”

198 “Kachi Ikiye mwaya nakungulingisa kupwa kanawa, nge lihinji naliza nakupwa nge likwavo, ove muya nakumwitavila Ikiye?”

“Nanguya nakulingamo.”

199 “Chamwaza, Kalunga, muya Ove nakulinga ika?” Echi chinapu chuma chakushisaho; vihula vyosena vanavikumbulula. Ndumbu walunga Mike, chize kwivwa. Ngulinakuvandamina munyutu kaha kumona chumamuka Ikiye apwile nakuya nakuhanjika. Ngwatalilekuze kaha Ngwamwene kanyike walunga alinakuya, nakutambuka lika, nge kusali ya jimbango nge ngachize. Ngwambile ngwami, “Vangahi muli enu muli va Mohammedans navaya nakwitavila echi? Hano hali kanyike walunga ali Mohammedan, talenu hali ikiye, nemahana hano.” Ngwambile ngwami, “Enu mandotolo, enu munatondo kutala hali ikiye? Haze ikiye nemana.” Mamalelo, enu munatachikiza oho enu muli jino. Talenu, munatachikiza hali munema. Kakweshi numba umwe . . . Haze ali jino.

200 Ngwambile ngwami, “Tambuka nakuhita oku, mwana walunga.” Kaha vakiko vamukwachile, ou mweza. (“Tanganya tanganya.”) Ngwambile ngwami, “Tala nge pamo twolufu, fwoteni inchesi kuhiha. Pamo nge *ngachize*.”

“Yaah.”

201 Ngwambile ngwami, “Oloze Yesu Kulishitu Mwana Kalunga nahase kumulingisa kupwa kanawa. Enu va Mohammedans kufwelela echi na kumwitavila Ikiye kupwa Mulwilo wenu?”

202 Kuze kwapwile masauzande amavoko alava ayile mwilu kuhichila mulichize. “Chamwaza, Mwata, jino lunapu lwola.” Ngwambile ngwami, “Tata wa Mwilu, kachi Ove wakumbululaho lyehi, ngukumbulule jino, echi chinapu cha Upahu Wove, echi chinapu Chove. Ngwalombo Ove lingisa ou

kanyike walunga kupwa kanawa.” Ngunalombo kaha hali ikiye ngachize.

203 Ngwambile ngwami, “Fumisa sapato yove.” Ikiye asolokele kuli kupwa wakusehewa, mukakulumbununa. Ngwambile ngwami, “Fumisa sapato yove.” Ikiye akasunuine mihya. Mwomwo Ngwamwene lyehi chize chimweno, chumamuka nachiya nakusoloka. Ikiye afumishile chize chuma. Omwo ikiye alikindulwishilemo cheka nakutambuka kwiza kuli yami, mahinji osena avali apwile mahya. Ngwambile ngwami, “Ove unatondo kutambuka kuhiluka kunyima nakulutwe?”

204 Ikiye aputukile kulila nge ngachize, kuya kunyima nakulutwe, ikiye katachikijile navyakulingako. Kutambuka nge ngachize, ikiye ambile ngwenyi, “Ove Allah! Allah!”

Ngwambile ngwami, “Yesu! Yesu!”

Mamalelo, mamalelo, mamalelo! “Ove Yesu! Yesu,” jino. “Yesu! Yesu,” nge ngachize.

Ngwambile ngwami, “Kuliko chihula, kala chihula?”

205 Julius Stadskev, vangahi vamutachikiza? Ndumbu walunga Stadskev neza hano ha liuka; kupwa—kupwa kaha kuya ku Germany. Ambile ngwenyi, “Munyutu kaha, Ndumbu walunga Branham, munyutu kaha.” Kuneha mukakukopa washiwashi. “Kutala Ngunahase kukopa chifwanyisa?”

Ngwambile ngwami, “Linga thuhu.”

206 “Kutambuka *hano*, kwimana musapato yove *hano*.” Ikiye kwimana nge ngachize, kukopa chifwanyisa cha uze kanyike, na mahinji eyi osena avali kupwa kanawa na kwimana hwaku nge omu ahashile. Haze yemanyine sapato yamwaka na vikungo vyacho, nge *ngachize*, nge *ngachize*.

207 Ngwambile ngwami, “Vangahi muli muno va Mohammendans jino vanakane Mohammed kupwa kapolofweto, kaha kufwelela Yesu kupwa Mwana Kalunga, kaha kumwitavila Ikiye kupwa Mulwilo wove?” Mavoko teni sauzande alovokele nakupwa mupeho. Haleluya! Vakiko kavatondele. . .

208 Vakiko veji kwesekanga kuchilama, mwomwo etu tunapu “vakakulyalanga vakujila,” vakiko mukiko veji kutuvulukanga, mwamono. Kupwa chochimwe, Kalunga kutambuka. Ikiye kuhaka Liuka Lyenyi. Ikiye kulinga vyakulitulaho, kumbwambumuka helu hosena etu tunahase kulinga mokomoko kushinganyeka. Ikiye ali kaha vene Kalunga ufukuuno nge Ikiye omwo apwilenga.

209 Shikaho, masepa vavandende, echa ngumilweke chumachimwe hano jino. Enu vathu jami vamwaza, enu muli hano muno mulifuchi, kaha veka nawa mulifuchi lya jitepu vase navakapwa kusali yakalungalwiji kwosena enu muli, kanda kwivwa womako. Vyuma vyosena vyakwoloka. Tata Kalunga, shimbu kwala chihela cha kaye, atachikijile vyuma vyosena

vize navikasoloka. Vyuma vyosena kuzata mwakwoloka. Enu mwamuzanga Ikiye? Lama muchima wove mukwoloka.

²¹⁰ Kaha, anuka, omwo echi kuhwima nachikahita kufuma mukuyoya, kuli enu vathu vamwaka mokomoko enu vakwaze javathu, kaha enu va mama, omwo enu namumona vakemba jenu vavandende, vaze vanyike vwapwevo vavandende kufwa omwo ikiye kapwile numba na makumbi eyitiko mokomoko makumbi atanu akusemuka, ikiye mwaya nakupwa mukweze wapwevo wamwaza omwo namukamumona. Uze kashinakaji Kaka apwile wakukunyuka chikupu, ikiye kahashile numba kumonako okwo apwilenga nakuya; omwo enu namumumona, kakawapwevo, ikiye mwakaya nakupwa mukweze walunga wamwaza, kupwa kaha mukweze pamo wamyaka twende yakusemuka, kupwa kaha muukweze wamwaza. Kaha ikiye mwaya nakupwa mujila kana hayamyaka. Enu munahase kukwata livoko lyaenyi, enu munahase nakulimeka na ikiye. Enu munahase kuhaka mavoko hali ikiye, oloze ikiye keshi kuhasa kupwa “lunga lyoveko,” ikiye mwaya nakupwa “ndumbu walunga.” Mamaah, yami! Ikiye kupwa wamunene kuhambakana “lunga lyamuthu.” Enu munashinganyeka enu mwazanga ikiye? Punduvene mukiko vene. Oloze ize yapwile kaha *yakumujimba*; kuvandamina palanga enu namupwa na *yaukalunga*. Vandamina palanga zangi ya Ukalunga nayikukwata, kaha jino mukamona chuma muka echi. Echi hano kupwa kaha nge kushishita chawishi, echi kacheshi chamwazako, kuze kwakweshi chuma kuli echiko. Chuma chimwe Nangumikafwako enu kulinga jino, chili, masepa jami—jami—jami. . .

²¹¹ Halutwe chindende kutwalilaho Nanguya. . . Munatondo yami ngumbate jivali mokomoko jajivulu tupetulu lwola lukwavo? Ou Mwata. . . Ngwa—Ngwatela kunoka chindende shimbu kanda Chautauqua. Jino, Kangweshi kuhasa kunangula evi vyuma kana muli chize kuliwana. Muze muli vavavvulu vaku-. . . kuli vavavulu vakufwelela chakuhandunuka handunuka. Mwamono? Eli linapu kaha liuka ukawalyo. Talenu? Kangweshi. . . Ngukwechi lisesa lya kunangula muno kalakwosena Ngwatondo. Yino yinapu mbalaka yami, talenu, kaha Ngulinakumulweka. Jino, Ngwafwelela vakiko vathu kupwa vakulwila. Eyo, mwane, Ngwafwelela echi vene. Oloze, mamalelo, nachipwa ngachilihi hakutambuka omwo enu munatachikiza kuze enu muli nakutambuka. Kangahi, munatachikiza, kutachikiza kaha chuma muka enu muli nakulinga, enu mwamono, kachi kutalyangila na kumbilikita. Echa twimenenu kaha mu Kumunyika, na kutambuka mu Kumunyika na kutachikiza kulihi ove uli nakuya. Ou ukiko muchano. Ou Mwata apwenga na enu.

²¹² Kaha kachi enu vosena muli muno jino kanda vamihake muvihela vyenu! Ove unahase kupwa chuma cheka chauchi shina pwevo lya muthu. Chamwaza, enu kuhanjika, “Ndumbu

walunga Branham, Kanda lyehi ngulinge chumachimwe muchiyoyelo. Kangweshi ngu mukakwambululako.” Chamwaza, pamo Kalunga akunehanga hano mangana uhase kukatula chisaka chavana, kufuma muli chize chisaka vana pamo kwiza chisaka chikwavo cha vana mwakaya nakupwa mukakunangula muze mwakatuma myono miliyoni kuli Kulishitu. Ove watela kupwa hano. Ove uli hano mwomwo ya pungu. Unatachikiza ngocho?

²¹³ Chwamwaza, ove ngwove, “Vyosena Ngwatwama navyo, vapwile, vyakufuma hamaumbu amavu. Kaha Nanguya nakumbata, kulivanga na chingoloshi, katachikijileko mwakutangila vanyike kuyoya. Ngwatalile hali vavandende vakuhutwa kaha vakuzeneka na jisapato. Ngwatwamine nakulila. Ngukwechi motoka yamwaka, kaha yami na Maw twayile kuliuka.” Kanda ove mulizakaminako, ndumbu walunga. Ove twalilaho lika kumuzanga Ikiye, Ikiye akwechi pungu hali ove. Ove twama kaha mwakwoloka mujila kana ove uli, twalilaho lika kuya. Talenu? Ove pamo kaweshi kahasa numba kunangula mujimbu, oloze ove unahase kupwa umwe kaha ya kaka umwe uze nahase kuchilinga.

²¹⁴ Kutala ove watachikijile nge Kalunga achitavijile (Echa tumone jino, lijina lyenyi lyapwile lika?) Levi, kufweta chamulikumi omwo ikiye apwile mumitanda ya Apalahama, omwo Meuchizandeke kuliwana na ikiye? Vangahi vatachikiza chize? Kaha echa tumone. Apalahama asemene Isaka, Isaka asemene Yakova, Yakova asemene Levi; uze apwilenga tata, kaka walunga, kaka ya kaka; omwo ikiye apwile mumitanda, mbuto ya kaka ya kaka, eyi Mbimbiliya yamuhana ikiye kufweta vyamulikumi kuli Melchisedec. Yami, yami, yami, yami! Ndumbu walunga! Mamalelo! Nguli . . .

²¹⁵ Kuze kuli wamundende—kuze kuli wamundende lunga ka Ingilishi vamwalumwine ufukuumwe mu England, ikiye ambile ngwenyi, “Ngunapu wakuwahilila! Ngunapu wakuwahilila!”

²¹⁶ Eyo, kuwahilila chikuma kutachikiza nge nge chinapu muchano! Kaha likumbi limwe lya mwaza, Ngunahono kutachikiza omwo lize likumbi naliya nakupwa, oloze kachi chize chapwile chimweno, Kangweshi kwambanga nge Ngwapwile muze. Anuka, lwola lwosena kupwa na echi muvishinganyeka, pamo ha tepu kulinga chuma chochimwe. Chipwe Ngwapwile mu chimweno, mokomoko kumbata nakuya mu Shipilitu, Ngunahono kutachikiza. Oloze chapwile kaha chivene nge omu Ngunakwate Ndumbu walunga Neville nge *ngachize*, kupwa vene. Kaha Ngunahase kutala nakuhanjika kuli ava vathu. Kaha uze pwevo lyami watete emanyine haze, ikiye katambakanyineko “lunga lyami,” ikiye ambile ngwenyi, “ndumbwami walunga wakuzanga.”

Kuze kwemanyine kanyike wapwwevo uze Ngwapwile nakuyanga nenyi myaka oyo.

217 Pamo vathu vamwe vavo vatwamine kuze, Alice Lewis kufuma ku Utica, kupwa kanawa, kanyike wapwevo wa Mukakulishitu wakushishika. Asombokele mukukotokela chindende mukuyoya, kaha apwile namwaneyi watete kah hikufwa mulwola lwakusema. Alice Lewis, Ngwatambukile muzuvo yachililo nakumumona ikiye. Ngwayile kha mwimbo, Ngwevwile ikiye apwile nge nafu. Ngwatambukile nakuya kuze, kamwapwile numba umwe muze mukapete, Ngwambile ngwami, “Kuliko pwevo hano, Pwevo lya...” Lijina lyenyi apwilenga Emmerke. Kaha ikiye apwile wakusomboka kuli kanyike walunga Mukakulishitu wamwaza, kaha ikiye apwile kanyike wapwevo Mukakulishitu. Ngunapunga na uze kanyike wapwevo kwosena, kuvihela vyosena na vyuma vyosena. Kaha kupwa kaha vana, eyiteni, nayiteni myaka yakusemuka, kwosena, wamwaza Mukakulishitu, katachikijile nachumako hali ikiye oloze Mukakulishitu wamwenemwene. Kaha Ngwapwile mukashili. Oloze Ngunaya na ikiye. Ngwatambukile nakwingila...Kaha lunga lyenyi apwile Mukakulishitu wakusemuka chachihya, lunga lyavene. Kaha Kangwatachikijileko; Ngwatachikijile nge apwile wakufwa, Ngwamwene mulipapilo. Kaha Ngwayile nakushikumuka kaha vakiko vangulwekele. Ngwayile kuze ku Coots kaha Ngwambile ngwami, “Ove ukwechi Pwevo. lya Emmerke?”

Ikiye ambile ngwenyi, “Billy, ikiye ali mukapete muze.”

218 Ngwayile kuze nakwimana kuze kusali ya mbokishi. Ngwashinganyekele, “Alice, Ngunapunga mumilima yavandemone, Ngunapunga mujila yamilima. Ove na Yami twatambukilenga hamwe kuhita mujijila na kushikumuka kuzauka kalwiji, omwo vakiko vapwile nakupwa aze mato amwaka, etu twapwilenga nakutwa kuze nakwivulila kaze kalyalya. Helu na hamavu mujila, ove wapwile pwevo wakalemesa! Omwo Ngwasakwilila Kalunga ha chiyoyelo chove. Kunoka, ndumbwami wapwevo wakuzanga, kunoka mukuunda cha Kalunga.”

219 Kaha ufuku ukwavo naufuku, ikye ajile nakulaha kuli yami. Ikiye ambile ngwenyi, “Ndumbwami walunga wakukisula,” kaha ambile mavoko eyi hali yami. Mamalelo, mamalelo, ndumbu walunga kaha ndumbu wapwevo, chize changwalumwine. Kangweshi kuhasa kupwa chochimweko cheka. Echi chili ngocho vene! Echi chili kaha—echi chili kaha kupwa vene nge Ngulinakutala hali enu, kupwa kaha vene vamwenemwene. Shikaho, kweshi womako. Ngunahase kufwa shimbu kanda ufuku uhite.

220 Ngwatondo kukulisa mwanami wamundende walunga kuze, Yosefwa. Ngwatondo kumumona ikiye mukamenga,

omwo Nangukambata eyi Mbimbiliya...omwo Nanguya kuchihela chimwe Ngulinakumona Yosefwa mu kamenga kunangula nge—nge mukweze walunga wakuzala na Shipilitu Wajila, kuwavishiwa na Shipilitu ya Kalunga hali ikiye. Kaha Ngwafwelela ikiye kupwa kapolofweto. Lize likumbi omwo Ngwa—omwo Ngwa—omwo Ngwamwene ikiye apwile na myaka sikisi shimbu kanda ikiye kusemuka, enu anukenu kuli yami kumilweka nge ikiye ali akwiza. Anuka chumamuka Ngwamuzsanyikile, haze vene kusali ya kamenga, kuhona kutachikiza chuma muka Ngulinakuhanjika, kukujika vakemba, Ngwambile ngwami, “Yosefwa, ove unapu kapolofweto.”

²²¹ Kaha likumbi likwavo kwimana muze muchipango, ikiye ejile kuli yami, kaha ikiye ambile ngwenyi, “Tata, kumana Yesu akwechi livoko nge lyove?”

Kaha Ngwambile ngwami, “Chamwaza, eyo, mwanami walunga. Mwomwoika?”

²²² Ikiye ambile ngwenyi, “Ngwatwamine ha kikanga yami, kutala Sala” uze ndumbwenyi wapwevo wamundende, “kukinduluka kwimbo kufuma mushikola.” Natwame kuze. Ngwamwene nge katela kufuma mujilako, ikiye apwile natwame kunyima nge *ngana*. aha ngwambile ngwami, “Ngwatalile helu, kaha,” ngwenyi, “Omwo Ngwalingile ngachize, kuze kwapwile livoko nge lyove, na chikovele chachisuku mavoko kungukwachilila yami.” Kaha ngwenyi, “Lyayile lika na helu.” Ambile ngwenyi, “Lize likiko livoko lya Yesu lyapwile nakukanduka?” Ngwatalile hali naye, naye atalile hali yami. Etu twayile kuli Pwevo. lya Wood. Kuze ali jino, kutwama kuze. Etu twapwile nakulihujola na ikiye, umwe namukwavo, kaha mukala jila etu twahashile. Kaha chapwile chimweno. Ikiye achimwene. Nge Nangumona lwola lwa Yosefwa wamundende nemana...Ngwatalilila Nangukayoya kumona ikiye kumbata, kachi Yesu mwashimbula.

²²³ Kaha Ngunapu lyehi kashinakaji, jikambu jitoma zuzulu mwishi ya shingo yami. Ngwatumine...Ngwatondo kutuma miliyani jivali mokomoko jitatu ja myono kuli Kulishitu kachi nge Nanguhasa. Echi chinapu kufwila chami kunagula Mujimbu wamwaza kujimbango josena hano hamavu. Eyo, mwane. Shikaho, ngukafwe, Kalunga, Mwaya nakuchilinga. Shikaho, omwo Ngunahase kumona luze lwola kwiza, Ndumbu walunga Mike.

²²⁴ Ngunahase kumona ha lwola Mama, Meda, Ngweji kumuvulukanga, wami wakuzanga, talenu, ikiye...etu tuli nakushinakajiwa, tala jikambu jenyi kwalumuka too, kaha tutalenu tuli nakuya, nakujimbangana.

²²⁵ Rabekah, Ngunasakwilila hali Rabekah. Mulongeshi wenyi wa myaso angulwekele ufuku ukwavo, ambile ngwenyi, “Yami, kachimwatwalilaho lika, Ndumbu walunga Branham,” ngwenyi,

“chinapu chahchikalu kwambulula chuma muka mwakaya nakulunga.” Talenu, kuya lika mummyaso. Ngwatondo ikiye, kaha Ngwatondo. . . Ngwatondo Sala kupwa ha kalyalya, Becky ha njimba, Ngwatondo Yosefwa mu kamenga.

²²⁶ Omwo Nangukamona chize kusoloka, kaha yami na Mama natukahasa kutalyangila nakwingila, yami hamukombo wami, ufuku ummwe, kwiza nakushikumuka mujila, kaha Nangukahasa kutala muze nakumona kanyike kami walunga kwimana kuze wakuwawisa na Shipilitu Wajila, kunangula ou Mujimbu wamwaza. Ngwatondo kumbata Mukanda wami wamwaka, nakuhanjika, “Mwanami walunga, Umbate, Unapu wove. Ove imana na Echi, kanda kalivwasana hali eli Lizuko. Ove katwame kaha na Echi, uchi wami. Kanda ove, kanda kulizakaminako, Kangwalizakaminako hiya mwakakufumbukila ove’, Kalunga mwaya nakupwa na ove. Ove yako nakunagula Lizu lyosena mujila kana Echi vachisoneka Muze, kaha Tata mwaya nakumona ove kuzaua uze kalwiji.” Ngwatela kuya nakujinguluka nakumbata ikiye mumavoko ami, pwevo lyami, kaha kuzauka Yotane.

²²⁷ Palanga luze lwola, Kalunga, echa ngutwame lika muwande, wakushishika! Echa yami! Kangwalizakaminako ndando muka, mokomoko vangahi, chumauka Ngunalingi, mokomoko *echi*, *chize* mokomoko chize *chikwavo*. Echa ngutwame wakushishika na muchano kuli eli Lizu lya kuyoya lya Kalunga, mangana lize likumbi nalikeza kaha Ngukazauke nakuya, kaha Ngukatale musali nakuhanjika, “Ove uze. Mamalelo, sepa lyami wamwaza, ndumbu walunga wamwaza, ndumbwami wapwevo wamwaza.”

²²⁸ Mukakunangula wamukweze, kwingila muwande, kutwama mukukashiwa. Enu vosena vakakunangula vachikweze na vyuma, kanda kutwamako. Kanda ove mutwama kahako na kuhona kulinga chuma chimwe. Lovokenu nakuya mukangalanye myono. Lingenu chumachimwe! Lovokenu, twalilaho kwenda. Kanda kwimana, mukakunangula wamukweze uli okwo. Kalunga akisule muchima wove.

²²⁹ Ikiye nangwanukisa omwo Ngwapwile pamo ize seteko, Ngwashinanyeka, kaha pamo wamundende chindende kuhambakana ikiye. Ngwapwile pamo na twende ya myaka nakuhakilaho omwo Ngwahakile lilolwa lyamumbango muze. Ngunanuka Ngwapwilenga nakuvwala kochi ya usungwa na jiputula jitoma, kaha kwimana kuze na kuhaka lilolwa lyamumbango pamo na myaka seti wani. Talenu omwo Ngwapwile, Ngwapwile vene kanyike walunga. Kwimana kaha kuze, kuhaka lilolwa lya mumbango. Kangwalivwasayineko ha Lizu. Ngunalilame Lika muzevene mujila Ngwalile lize lilolwa lyamumbango. Uze unapu unjiho wami kupwa kuze, muze Ngwasonekele halipapilo lya Mbimbiliya, kaha ngwalipulile nakulihaka haze halilolwa lya mumbango, kaha ikiye hanga alilika haze. Kaha echa chipwenga chakusoneka hamapapilo

a Kalunga a Lizu lya Hayamyaka mu Mwilu. Echa ngwimane mumuchano palnga nakusongo.

Echa tunongamenu mitwe jino ha munyutu tulombe.

²³⁰ Mukusoka cha ou ufuku, kusoka cha evi, kapetulu umwe, uze wakuhona kuvulukila kwoloka. Ove watela kupwa namukwavo, kaha omu ikiye atwalilaho nakuhaka mu Liuka mu chihela Chacho. Nangukaya nakumihanacho lwola lumwe, Kalunga netavila. Ngwatela kaha kupwa nakunoka jino shimbu kanda Nguyenga kuze ku Chautauqua, kukuliwana chikwavo, jino Nangukazauka kufuma ku Oklahoma, kufuma kuze lika naku Klamath Falls, jino kufuma ku Klamath Falls kushikumuka ku California, kukanduka nakwingila mu Yakima, Kangweshi kukakindulukako palanga na Kukumi ha 15.

²³¹ Oloze tala, echa ngumihule chuma chimwe, kachi chumachimwe chatela kusoloka kuli enu mokomoko Yami shimbu kanda lwola lwizenga, kachi Ngwatela kuhita uze kalwiji nakwingila mu Lifuchi, mokomoko kachi enu mwatela kuhita shimbu kanda luze lwola lwakwingila muze mu Lifuchi, enu muli nakwivwa kukindiwa ufukuuno nge etu natukaliwana muze mu Chihela kana? Kachi enu nachikapwa ngocho zundulenu mavoko enu, nakuhanjika, “Ngulinakwivwa kukingwiwa mumuchima wami.” Kalunga akisule muchima wove. Kalunga amikisule. Kachi kuli umwe hano uze keshi nakwivwa kukingiwako nge vakiko navakapwako kuze, kaha vanatondo kuhanjika, “Ngwanukeko, Ndumbu walunga Branham, chize nanguya nakuchilinga kupwa na kukingwiwa,” zundula livoko lyove, “Ngwatondo kupwa kuze, nawa.” Kalunga akukisule, pwevo wakalemesa. Kalunga akukisule.

²³² Ove Setu wa Mumelu, etu tunanehe kuli Ove ufukuuno echi chikungulwilo, livoko lyosena, nge omu Ngunahashila, twapwile kuze, vyosena shina muthuumwe, myono yamwaza kutwama kuze, kupwa kaha wakuzeya nge vatela kuzauka kuya mu Lifuchi likwavo, muze muli zangi ivene ya Ukalunga mumichima yavo, muli uze pwevo wamwaza mukachi kamuchima, nge mwaya nakwiza muze mu Lifuchi kachi ikiye apwanga nakufwa ufukuuno, mwaya nakukoka mwono wakuzeya kwingila mu Lifuchi lya Lushiko lya Kalunga?

²³³ Tata mu Mwilu, nge Ngunemana hano ha kamenga na kunangula, kaha kutukuchila, kaha kulila, kaha kulambilila, na kushijila, echa ngukuhule Ove lwola lumwe watambukile, Mwata, echa nguhule ndumbwami wapwevo kuze; Kalunga, haka mukachi ka muchima, ufukuuno, nge zangi ya Ukalunga, nge Shipilitu Wajila wa Kalunga, chize kuunda chinahambakana kwivushisa, nge ikiye atela kutambula Shipilitu Yove, pwako wakujika na Shipilitu Wajila palnga lize likumbi. Ngwatondo kumumona ikiye, Mwata, omwo etu natuzauka chau. Kachi echi chili—kachi chili yami—kachi

yami ngunalisesa lya kuzauka, kachi vize Ove wangusolwesele vyapwile vyamwene mwene, kha Nangukazaauka kuze, Ngwatondo kuliwana na ikiye kuze, kaha kumona ikiye kulaha nakungukwata na livoko, kaha kuhanjika, “Ndumbwami wamwaza, wapwile uze ufuku Chumachimwe changulwekele kuzundula livoko lyami, omwo ove wakumishile kunangula mu Mukanda wa Efwesu. Ngwazundwile livoko lyami, kaha chumachimwe chasolokele kuli yami hanyima yachize. Yami Nguli hano. Ngumukweze jino hayamyaka.” Kalunga muhanecho uze umwe wamwaza.

234 Vaze vanazundula mavoko avo nge vakiko vanapu vakujikila kuweluka na Shipilitu Wajila, Shipilitu wa Kalunga ali hali vakiko, kaha vakiko vanatambula Shipilitu Wajila, vakiko vavajikile na zangi ya kumukomoka kalunga mumichima yavo. Omu etu twakusakwilila Ove hali vakiko.

235 Kutachikiza, Tata, nge kuweluka wa kaye kuze eji jitepu najikaya. Vihungo vyavivulu vili hosena hano kukamenga, kulumbununa nge jitepu valinakujitunga, kwalumuna kunyima kuze, eli Lizu naliya nakupwa mumafuchi akuhandunuka mukaye kosena, kujinguluka kaye, twende mokomoko seti mafuchi akuhandunuka navakaya nakwivulila Echi. Ngwalombela muthu wosena mwakevwa kuli eyi tepu, vaze kaveshi nalutalililo lwa Kuyoya cha Hayamyaka, vaze kaveshi na lujimiko lwa Shipilitu Wajila, pamo Echi nachikeza kumichima yavo mukuyema. Tuhane echi, Mwata.


236 Kaha echa Yami, kachi Nangukahona kuvamona muli chino kuyoya, omwo Nangukazaauka nakuya mu Lifuchi lize, echa vakiko valahe nakungukumbata (kaha Ngukavakumbate vakiko, kaha vakiko, etu tukatambakane, “Ndumbu wamwaza!” kuli umwe na mukwavo), kuhanjika, “Ngwevwile kutepu yove ha Efwesu, omu uze Kalunga amutongwelele ku Kuyoya cha Hayamyaka, kaha chapwile ha tepu nge Ngwatambwile Lizu lya Kalunga kaha vachijikile na Shipilitu Wajila kwingila mu Wangana wa Kalunga.” Tuhanecho echi, Tata.

237 Hindula vosena vaze valinakiviza nakuyanjiwisa. Litambwile upahu muli Ovelyavene etu twakujika vyosena kuli Ove mungolo josena mu Lijina lya Yesu, Mwa Nove. Amena.

238 Kuliko umwe hano ali nakuviza kaha natondo kumunangika mavoko hali vakiko nakuvalombelela? Munahase kuzundula mavoko enu? Chosena chakwoloka. Munahase kutambuka washiwashi, jino, kukamenga hazevene, kaha kwimana katando kakandende, shimbu Ndumbu walunga Neville mweza na . . .

239 Mamalelo, echi chinasoloka, kulombelela mukakuviza, kupwa—kupwa kusoloka nge kwiza nakushikumuka kuze munatachikiza oho munemana, mukikovene. Kalunga atachikijiza vyosena evi.

²⁴⁰ Omwo Nangwivwa uze mwaso...Anuka, kachi ove uli nakuyoya omwo Nangukaya, kanguhakenumo: *Fwelela Kaha*. Anukenu Kangwafwileko, Kangweshi kukapwa kwakusuku kufuma kuli enuko kwivwulila echi. Kangweshi kufwako; Yesu anguhanyine Kuyoya cha Hayamyaka; kuya nakungusangula ha likumbi lyamakumishilo; Nangukaya nakumimona. Kaha kachi enu namukaya, Nangukaya nakufwelela chumachochimwe hali enu. Ngwafwelela etu kuya nakulimona umwe namukwavo cheka.

²⁴¹ Kutala, ou pwevo wamwaza wakalemesa kwimana hano na jikambu ja wele. Enu munapu Vakakulishitu? Vakuzala na Shipilitu Yenji, kuvandamina kwiza Chenyi, kwimana hano kuvandamina uze wato kwiza. Amena. Mamalelo, ndumbu wapwevo... 

KUTWITAVILA KUPWA VANA 4 LVE60-0522E
(Adoption 4)

MIKANDA YA KUTUVULUKA KUPWA VANA

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chalumingo na chingoloshi, Kashikana 22, 1960, ha Mbalaka ya Branham mu Jeffersonville, Indiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenya mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org